



სალიტერატურულ და სამეცნიერო ნახატებიანი გაზეთი გამოდის ყოველ კვირა დღს

№ 37

ს ე მ ტ ე მ მ ბ რ ი 1 1896 წ.

№ 37

შინაარსი: მიეშველეთ ნოვოროსიელ ქართველებს გ. შერეთელისა. — სხვა-და-სხვა ამბავი. — საყურადღებო ამბავი. — * * * ლექსი დუცუ შეგრელისა. — გიმნაზიის მოწაფე ქალთა მოგზაურობა, წერილი მესამე ედიკოსი. — კრიტიკული შენიშვნა ი. გ. რისა. — პოეტის სიტყვა ლექსი ექვ. კობლაჯაძისა. — ენის წარმოდგომაზე (დასასრული), პ. გ. ჭარაიასი. — გარცემი და უკუჭორა ძველის ძველი ამბავი, პ. გოთუასი. — საქველ-მოქმედო საქმე და გერძო განცხადებანი.

„აკალის“ ხელის მომწერლებს მოკავებთ, ვისაც მიეშველეთ ნოვოროსიელ ქართველებს. ფული არ შემოუტანათ, დროზე შემოიტანონ.

სასწავლებელი და საყმაწვილო ბალი

ი. ოსხელისა

(ქუთაისში)

გამართულია ვარფოლომევეის სახლში დადიანის ქუჩაზე.

სასწავლებელი ამჟამად ემაწვილებს გიმნაზიის მოსამზადებელსა და პირველ კლასებისათვის, საყმაწვილო ბალი მიზნათ იღებს აღზარდოს ყმაწვილები 5 — 7 წლ. სამუშაო ენაზე, ფრებელის სისტემით.

სასწავლებელში ყმაწვილები მიიღებიან პირველ სექტემბრიდან პირველ ოქტომბრამდე, ხოლო საყმაწვილო ბალში ყოველ დროს მთელი წლის განმელობაში. თვიური გადასახადი დანიშნულია სასწავლებელში 10 მან. და საყმაწვილო ბალში 5 მან.

(4—1)



რად საგულისხმო საქველ-მოქმედო საქმე ისტამბუბა ამ ნომერში, ჩვენ მკითხველებს ვთხოვთ გულ დასმით წაიკითხოთ აქ დასტამბული ცნობა, გონების თვალი გააფლონ ამ საქმეს და შესაფერი გულ-მსურვალეობაც აღმოუჩინონ.

ჩვენს საქართველოში ადგილ-მამულის სიციფროვე დიდი ხანია შენიშნულია, მაგრამ აღმოსავლეთის საქართველოს, ესე იგი თფილისის გუბერნიას, მაინც ისე არ აწუხებს ეს გაჭირებული ეკონომიური მდგომარეობა, როგორც დასავლეთის ქართველებს, ესე იგი ქუთაისის გუბერნიის მცხოვრებლებს. აღმოსავლეთის საქართველოში ჯერ კიდევ საკმაოდ აქეთ ქართველებს თავის გამოსაკეები ნიადაგი; მაგრამ დასავლეთის ქართველებს კი, დიდი ხანია, აღარ ყოფნისთ თავისი მიწა-წყალი. იქ ხშირათ არის, რომ გლეხს ხულ ქცევა ნახევარი, ანუ ერთი დღიური მიწაც არა აქვს, უმიწა-წყლო გლეხები და წერი-მალი აზნაურობაც წლითი-წლობამდე მრავლდებიან. ქართველი ხალხი უმიწა-წყლოთ თან-და თან

უფრო უნუგეშო მდგომარეობაში ვარდება და დღემდის ვერა მოუხერხებია, რა რიგით შეეწიოს თავის თავს, რა მოაგვაროს, როგორი მალამო დაადგას ამ ტკივილს. განა კავკასიის აქეთა მხარეში ცოტაა ადგილი?.. მაგრამ იქ, სადაც ოდესმე ქართველების სამკვიდრო ადგილ-მამული ყოფილა, დღეს უცხო ქვეყნებიდან მოდიან გაღმობიხნულნი და ესახლებიან. ყველას თავის პატრონი ჰყავს, ყველა თავის გვარს კერძობს ამ საქმეში. მხოლოდ ქართველ ხალხს არა ჰყავს აქ თავისი პატრონი, რომ უწინამდღროს ამ საქმეს, იშუამდგომლოს უმაღლეს მთავრობასთან, გააგებინოს მას ქართველი უმიწა-წყლო ხალხის გაქირავებული მდგომარეობა, აუხსნას, რომ ქართველი სხვაზე კიდევ უფრო ერთგული ქვეშევრდომია რუსეთის ხელმწიფობისა და იმასაც ისეთივე მზრუნველობა უნდა, როგორც მკვიდრს რუსეთისას, რადგან ყოველ ქართველს აქამდის თავგანწირულათ უბრძვია რუსეთის გულისთვის და აწც მისთანა მუყაითი დამცველი სახელმწიფო ინტერესებისა რუსის მთავრობას კავკასიაში სხვა არაინა ჰყავს. ნუთუ შავი ზღვის პირათ ოსმალები, ბოღარები, ბერძნები და ჩეხები, რომელთაც ხელს უწყობენ და ასახლებენ, უფრო ერთგული დამცველები იქნებიან შიშინაობის დროს რუსეთის სამფლობელოსი, ვიდრე ქართველები, ესე იგი გურია-სამეგრელოსა და იმერეთის მცხოვრებნი, რომელთაც ათასი წელიწადი შეუწახანეთ ქრისტიანობისთვის ეს ხნარე და ბოლოს თავის ნებითვე გადაუტიათ ერთ მორწმუნე ხელმწიფე იმპერატორისათვის თავისი სამშობლო მისი ძლიერების გასამტკიცებლათ? განა შესაძლოა წარმოიდგინოს კაცმა, რომ გურია-იმერეთის და სამეგრელოს მცხოვრებლები უფრო ნაკლებათ დაიცვენ შავი ზღვის პირებს შემოსევისაგან, ვიდრე თვით მკვიდრნი რუსეთისანი?.. სრულიათაც არა. ეს შეცდომაა, თვალის აბმა მთავრობისა. ჩვენ გვიხანავს, რომ როცა მტერი შემოსულა შავი ზღვის პირათ, რუსეთის მკვიდრნი მაშინვე აბარგებულან და ისევ შიგნით რუსეთში გადასახლებულან, მაშინ, როდესაც გურულებს, მეგრელებს და იმერლებს უკანასკნელ სისხლის ცვარამდის უბრძვიათ მტრის წინააღმდეგ. გავისხენოთ ყირიმის ომის დროს იმერეთის შემოსევა და მეგრე-გურულების თავგამებულნი ბრძოლა მტერთან ხელმწიფის ერთგულებისთვის. გავისხენოთ თუნდ უკანასკნელი ომი ოსმალეთთან, როცა სამეგრელო-გურიის და იმერეთის ხალხი თავგამებულთ ეჯახებოდა შემოსულ მტერს. რამდენმა გურულმა, მეგრულმა, იმერულმა და ქართლ-კახულმა დადგა აქ თავი ქვეყნისთვის და ხელმწიფის ერთგულებისათვის. გავისხენოთ კ. მიქელაძის, ილ. ჩოლაყაშვილის წამებული სიკვდილი, გრიგოლ გუ

რიელის თავგანწირული მოქმედება და მრავალი სხვა. მარტო ციხის-ძირის ბრძოლაში ორასი ქართველი დაეცა ბრძოლის ველზე. ახლა კი გვეუბნებიან. არა, ვერც მეგრებს, ვერც გურულს, ვერც იმერებს და ქართლ-კახელს ვერ დეასახლებთ შავი ზღვის პირათ. ჩვენ ეს არ გეჯერა და ასეთი პასუხი წინააღმდეგიც უნდა იყოს უმაღლესი მთავრობის ნებისა. აქ უეჭველია კერძო ადმინისტრაციული მოხელენი ურევენ საქმეს, ალბათ რაიმე საკუთარი ანგარებისათვის. ამას უნდა დაედგას საზღვარი. შავი ზღვის პირები ყველა რუსის ერთგულ ქვეშევრდომთათვის უნდა იყოს კარგადებული დასახლებლათ. ამას მოითხოვს სახელმწიფო სარგებლობა. ამის გამო ნოეოროსიელ ქართველების კეთილ განზრახულებას არა დაუდგებარა წინ. ისინი ამ შემთხვევაში დიდ ღვაწლსაც გაუწვევენ რუსის ხელმწიფობას, თუ კი მოახერხებენ სხვათა შორის უადგილ-მამულო ქართველების დასახლებასაც შავი ზღვის პირის სხვა-დასხვა კუთხეებში. მაგრამ ამ დიდ საქველ-მოქმედო საქმეს მარტო ნოეოროსიელი ქართველების კეთილი განზრახულება არ ეყოფა. აქ ყოველმა ქართველთაგანმა უნდა მიეწეოდინოთ მათ რაიმე შემწეობა. რაც უნდა შევიწროებული იყოს კაცი თავის სამშობლო სოფელში, ის მაინც აგრე ადვილათ ვერ დააგდებს თავის მამა-პაპეულს და ვერ გადასახლება შორეულ ქვეყანაში, თუ იმას ჩვენმა მოწინავე თაობამ ხელი არ გაუმართა. ამის გულისთვის საჭიროა ყოველ საქართველოს ქალაქში დააწესდეს მოწინავე ინტელიგენციის წრეები. ამათ უნდა იქონიონ პირდაპირი დამოკიდებულება ნოეოროსიის განიხნულთა შემწე საზოგადოებასთან, აგროვონ შემოწირულება განიხნის მსურველთათვის, გაიგონ რომელი კუთხე შავი ზღვის მხრისა უფრო შეეფერება ჩვენი ქვეყნის ჰავას, ნიადაგს, რომ უადგილ-მამულო კაცებს იქ უჩიონ დასახლება და პირველ შემთხვევაში ნიეთიერი შემწეობაც აღმოუჩინონ. ამასთანავე საჭიროა ალაგობრივ ნოეოროსიის მთავრობასთან და რუსეთის განიხნულთა კომიტეტის წევრებთან გამართოს ერთმა რომელიმე ქართველმა მცოდნე და გავლენის მექონე პირმა კეთილი განწყობილება და მათთან შეთანხმებით იმოქმედოს. საჭიროა აგრეთვე თავისი განზრახულება მოკლეთ გამოთქვას წერილში ნოეოროსიის განიხნულ ქართველთა შემწე საზოგადოებამ და ასეთი წერილები გაუზავნოს საქართველოში ყოველ პატივცემულ ქართველს, სამღვდელთა პირი იქნება იგი, სახელმწიფო მოხელე, თუ კერძო ქვეყლის მომქმედი, სულ ერთია. აგრეთვე უნდა მიიქცეს იგი წერილებით ჩვენი ბანკების და ყოველი სამრეწველო წარმოებათა გამგეობის მიმართ. აი, ამგეა-

რი მოქმედებით დაიმსახურებს ნოეორსისის განზნუნულ ქართველთა შემწეობის საზოგადოებასაყოველთაო ყურადღებას. მაგრამ რომ კიდევ უფრო თვალსაჩინო წარმატება მიეცეს ამ დიდ მნიშვნელოვან საქმეს, საჭიროა, ჩემის აზრით, ერთი ჩვენი ინტელიგენტთაგანი, რომელიც კი დამოუკიდებელი ცხოვრების პატრონია, საკუთრათ წავიდეს ნოეორსისში და მიიღოს თაოსნობა იქაურ განზნუნულ ქართველთა შემწე საზოგადოებისა. მაგრამ რადგან ამ თვისების ინტელიგენტი ძვირათ თუ მოიპოვება ჩვენ შორის, ამისთვის უფრო ემჯობინება, რომ რომელიმე ჩვენი მდიდართაგანი, ანუ თუნდა რომელიმე ბანკი ავიღოთ, ის იკისრებდეს ჯამაკარის მიცემას იმ ინტელიგენტისათვის, რომელიც ღირსი იქნება იქ გაგზავნისა სამოქმედოთ. ამიერიდან ყოველივე შეწირულება შავე ზღვის პირათ განზნუნულ ქართველთა დასახმარებლათ უნდა გაიგზავნოს იმ ადრესით, რომელიც მოყვანილია აქ დასტამბულ ნოეორსიიდან წარმოგზავნილ წერილში.

ბ. წერეთელი.

სხვა-და-სხვა ამბავი.



ეტერბურგიდან გაზ. „Нов. Свѣт.“-ის ატყობინებენ, ხელოვნურ იმპერატორს უბრძანებია, რომ 12 მილიონიდან, რომელიც დანიშნულია წელს არა-ჩვეულებრივ მოთხოვნილებათა დასაკმაყოფილებლათ, 12,250 მანეთი მიეცეს ქუთაისის გუბერნიის მცხოვრებთ, რომელთაც ზარალი მოუვიდათ წყალ-დიდობის და დიდი თოვლისაგან.

* *

სარწმუნო წყაროდან ჩვენ შევითქვით, რომ სოფ. პატარა თამარაშენში ფილოქსერა აღმოუჩენიათ. როგორცა ჩანს დღეს მთელ ქართლში უნდა იყოს ფილოქსერა მოდებული.

* *

რკინის გზით მოგზაური გვეწრს: წარსულ კვირაში, ვისაც შეხება ბათუმში და ქუთაისში მოგზაურობა საშინელ სიცხეებს გრძნობდა, მგონი კვერცხი შეიწოდა მხეს ისე პაპანება გაქონდა. ოთხშაბათს, 28-ს, სანამ ყვირილაში მოვიდოდა მატარებელი, ცხელოდა, აქ დაუშვა უცბათ წვიმა. სადგურ ძირულას რომ მივედით მთებიდან ნაკადულები წა-

მოვიდა, მაშინვე ჩამოწვა მიწის ზეგები და ჩვენ დავრჩით სადგურზე. შამშილი მოგველოდა. ასე ორი სამი საათი ველოდით. ეინც გზების შეკეთებას უვადებს ყურს, ჩვენთან იყო. ჯერ ეძინა და რადესაც გააღვიძეს, თამაშას უტკებოდა, ჩანს მოყვარულები როგორ დადიოდნენ ცხელი წყლის საძებნელათ. ბოლოს ორ-სამ საათს შემდეგ, იწამეს ღმერთი და უკანვე ყვირილაში წავიყვანეს. იქ ასე გვანუგეშებდნენ: ნუ გეშინიათ, მშვიერი აღარ დარჩებით, ყვირილას შეუძლიან თუნდაც სამი-ოთხი დღე შეგინახოთო. მეორე დღეს, ძლიერ-ძლიოზით წამოგვიყვანეს თბილისში. თუ ნახევარ საათის წვიმამ ასე გააფუჭა გზა, სხვა დროს რას უნდა მოველოდეთ. მახლას...

* *

რუსეთის გაზეთების სიტყვით, ამას წინეთ უწმინდესი სინოდის წევრთ, სასულიერო აკადემიათა რჩევას და ზოგიერთ ეპისკოპოსთ გავეზავნათ განსახილავთ პროექტი, რომელიც ეხება საშუალო სასულიერო სასწავლებლებში ცვლილებათა შემოღებას, აი, უმთავრესი ამ ცვლილებათაგანი: 1) კლასიკურ ენათა გაკვეთილების რიცხვი სემინარიებში და სასულიერო სასწავლებლებში შესამჩნევათ უნდა შემცირდეს; ამ ენებისათვის მხოლოდ ერთი მასწავლებელი იქნება; უნდა გადიდდეს რიცხვი ღეთისმეტყველურ საგნების გაკვეთილებისა, საკვლევლოთ უნდა დარჩეს მკურნალობის სწავლება და აგრეთვე უნდა დაწესდეს საეკლესიო უფლების, საეკლესიო არქეოლოგიის და სასოფლო მეურნეობის კათედრები. 2) საღმრთოწერილის და სპეციალურ ღეთისმეტყველურ საგნების მასწავლებლებათ უნდა იყვენ სამღვდლო პირნი; სამღვდლო პირნივე უნდა იყვენ სემინარიების ინსპექტორები და ზედამხედველნი თავის თანაშემწეებით სასულიერო სასწავლებლებში. 3) სემინარიის ეკლესიებში ყოველ დღე უნდა იყოს წირვა, რომელზედაც უნდა ესწრებოდნენ როგორცა მალალი კლასების შევირდები. 4) სასულიერო სასწავლებელთა სარევიზიოთ უნდა გაგზავნილ იქმენ სამღვდლო პირნი, და არა სავრო როგორც ეს დღემდის იყო ხოლმე.—ამნაირათ, როგორც ვხედავთ, ეს პროექტი ყოველი მხრით ესაბამება სასულიერო უწყების განზრახვას და მის არსებით დანიშნულებას, ამაში ჩვენ ეჭვი არ შეგვაქვს; მაგრამ ამას შემდეგ რას ნიშნავს ერთი რუსეთის გაზეთის („Нов. Вѣст.“) ცნობა, რომ მომავალი წლიდან ყველა სემინარიელებისათვის უნივერსიტეტის კარი ღია იქნებაო.

* *

სამრეწველო და სააღებ-მიცემო კრებას ნიჟნი-ნოვგოროდში საქიროთ დაუნახავს, რათა საზღვარ-გარეთიდან შემოტანილი აბრეშუმის ბაჭი აწეულ იქნას, ერთი მანეთიდან 5 მანეთამდის თითო ფუთზე; საქიროთ დაინახა აგრეთვე, რათა აბრეშუმის სალი თესლის გავრცელებისათვის სხვა-და-სხვა ზომები იქნეს მიღებული. აბრეშუმის ეპქრობის გასაუმჯობესებლათ კრებამ წარმოთქვა ის აზრი, რომ საქიროთა დაარსდეს განსაკუთრებითი აბრეშუმის გამოსაცდელი დაწესებულება (шелководческое учреждение) პარკის საწყობებით მოსკოვში, თფილისში, ნუხაში და შუშაში („Кав. Сель. Хоз.“).

* *


ჩვენ მიერღეთ ახალი წიგნი „ფაჩსადან გორგინჯანიძე და მისნი შრომანი“, გამოცემა მ. ჯანაშვილისა. წიგნი შეიცავს სულ 125 გვერდს და მასში მოთავსებულია რამდენიმე დღემღი უცნობი შრომანი ფარსადან გორგინჯანიძისა, რომელიც ცხოვრებდა მეჭვიდმეტე საუკუნეში და რომელიც ცნობილია, როგორც ავტორი „საქართველოს ისტორიისა“. ამ წიგნის გადაშინჯვამ ჩვენ დაგვარწმუნა, რომ აქ მოთავსებული ფ. გორგინჯანიძის შრომანი არაფერ დიდ „საუნჯეს“ შეადგენენ ჩვენი ლიტერატურისათვის და იმათი გამოუყენებლობა შესამჩნევ დასაკლისათ არ ჩაითვლებოდა. ბ-ნ მ. ჯანაშვილის მიერ გამოცემულ წიგნს თავში მოკლე მიმოხილვა აქვს ჩართული ფ. გორგინჯანიძეზე და ბოლოში დამატება (184—125 გვ.) — კავკასიისენში შეკრებილი სიტყვები, რომლებიც, რა თქმა უნდა, თვით გამომცემელს (მ. ჯანაშვილს) ეკუთვნიან. მიმოხილვაზე უნდა შევნიშნოთ, რომ ის ვერ იძლევა დასაბუთებულ ცნობებს ფ. გორგინჯანიძეზე. რაც შეეხება დამატებას, ის ჩვენი ენის მკვლევართათვის იძლევა საინტერესო მასალას, რომელსაც უსათუოთ გამოიყენებენ სპეციალისტები.

* *

ამ ქამათ დიდი სჯა-ბაასია ატეხილი რუსეთის ჟურნალ-გაზეთობაში შესახებ ერთი გარდაწყვეტილებისა, რომელსაც დაადგა სამრეწველო და სააღებ-მიცემო კრება ნიჟნი-ნოვგოროდში. ეს არის სამეურნეო მაშინების ბაჭ-ს შემცირება. პირველათ ეს კითხვა განიხილეს ცალკე სექციაში, სადაც ორი დღის კამათობას შემდეგ იმ აზრს დაადგენ, რომ საქიროთა ხსენებული ბაჭის შემცირება; მაგრამ რადგანაც ეს გადაწყვეტილება წარმოდგენილი იყო 52

ხმით, და 44 კი ამის წინააღმდეგი იყო, იმიტომ ეს კითხვა ხელ-ახლა დაყენებულ იქნა საზოგადო სხდომაზე. ეს კითხვა ფრანსთა სამინისტროს მიერ ამნარათ იყო დაყენებული: „სამიწათ-მოქმედო მაშინებას და იარაღების ბაჭის შემცირება რა სახით იქნება სასარგებლო მიწათ-მოქმედებისათვის?“ როგორც ვიცოთ, საზღვარ-გარეთის მაშინები კარგებია, მაგრამ იმათ გავრცელებას ხელს უშლის დიდი საბაჭო გადასახადო, რაც შესამჩნევათ აღიღებს იმათ ღირებულებას. მფარველობითი ბაჭი (По-кровительственные пошлины), რომელიც ამხნეებს და ხელს უწყობს შინაჯან წარმოებას, რაც სასარგებლოა მხოლოთ რამდენიმე მექარხნეთათვის, სულს უხუთავს მიწის-მფლობელთ. საზოგადო სხდომაზე კრების უმატესობამ, 140 ხმა 63 ხმის წინააღმდეგ, საქიროთ დაინახა ამ ბაჭის შემცირება.

ამ ნაირათ სააღებ მიცემო და სამრეწველო კრებაზე ერთი ერთმანეთს დაეტაკენ ორი ჯგუფი ერთი და იგივე კლასისა; ეს კლასი არის კაპიტალის პატრონი, მხოლოთ სხვა-და-სხვა სფეროში. დარწმუნებით არ ვიცოთ, თუ რომელი იმათგანი გაიმარჯვებს ამ ბრძოლაში. მაგრამ საქმე ის კი არ არის, დღეს გაიმარჯვებს რომელიმე იმათგანი, თუ ხელო; საქმე ის არის, რომ დღეს იქნება თუ ხელო თავისუფალი აღებ-მიცემობა უსათუოთ გაიმარჯვებს. ამ ქამათ ის შეგვიძლია მხოლოთ ვთქვათ, რომ მთავრობა მრეწველთა და აღებ-მიცემთა მხარეზეა. ყოველ შემთხვევაში ეს ბრძოლა კარგის მომასწავებელია რუსეთის ცხოვრებაში.



საყურადღებო ამბები.

ვეტროვსკი (დაღესტანის ოლქი). 1893 წ. აქ დაარსდა აგრეთ წოდებული „ტუსალთა ზნეობის გამსწორებელი საწყობალო“, (Исправительное арестантское отделение) სადაც განსაზღვრულ ვადით იგზავნიებიან დამნაშავენი მთელის ამიერ და იმიერ კავკასიის მხრადან, იმათ რიცხვში ხვდებიან რასაკვირველია ქართველებიც, საქართველოს სხვა-და-სხვა კუთხეებიდან. პატიმარი დანიშნულ ვადის გათავებას შემდეგ, უბრუნდება თავის საზოგადოებას, თუ ეს უკანასკნელი მოისურვებს და მიიღებს დასჯილ შვილს და თუ არა, მაშინ მას გადასახლებენ ციმბირში სამუდამოთ. ქართველ პატიმართა შორის მომეტებული ნაწილი ახალგაზღვრებაა, ჯანით და ღონით საესე, რომელიც ზნეობით სრულიად ჯერ

არ არის დაცემული, და მხოლოდ სამწუხარო შემთხვევის მსხვერპლი არიან. სხვათა შორის, მომეტებული ნაწილი კახეთიდან და ქართლიდან არიან დასჯილი კაცის მკვლელობისთვის მამულის თაობაზე. იმერეთიდანაც თითქმის ნახევარი ამნაირ უბედურ შემთხვევათა მსხვერპლია, დანარჩენი კი ყალბი ქალაქის შედგენისთვის, ტყუილი ფიცისთვის, ტყუილად დაბეჭდვისთვის და ქურდობისთვის, უმეტესათ მეგრელები. არიან აგრეთვე ახლათ შემოერთებული მხრიდან გათავრებული ქართველები, ბოქაულის, ან მამასახლისის წინააღმდეგობისათვის. ყველა ესენი ჯერ კიდევ ზნეობით ისე დაცემულნი არ არიან რომ იგინი სამუდამო უფარვისნი დარჩენ და საზოგადოებისათვის მავნებელი.

მათი, როგორც საზოგადოთ ქართველი კაცის, უსახდრო სიყვარული თვის მიწა-წყლისადმი იმის საბუთს იძლევა, რომ ისინი შემდეგში საზოგადოებისათვის არ იქნებიან მავნებელნი. მაგრამ, უბედურება ის არის, რომ ეს ორი წელიწადია ჩვენი სოფლების საზოგადოებანი შეუბრალებლათ ისტუმრებენ თავის შეილებს, თუმცა უბედურ შემთხვევათა გამო დანაშაულის ჩამდნთ, ციშირისაკენ!.. ეს ორი წელიწადია ოც კაცამდე გაუმგზავრებით ციე ქვეყნებისაკენ. ნეტა რას ფიქრობენ ჩვენი სოფლების საზოგადოებანი? ნეტა საიდან შეუძენიათ იმათ ამნაირი გულქვაობა? მომეტებული ნაწილი განაჩენი არის უფრო კახეთიდან და იმერეთიდან. აი, რას წერდა თავის საზოგადოებას ამის წინათ ნინია ფროლიაშვილი, ცოლის და ექვსი შეილის პატრონი, რომელიც 21 მაისს გააზაზენეს ციშირში: „რა დამიშავებია, ვის რა წავართვი, ეგ ერთი უბედურება დამემართა, კაცი შემომამკვდა და ამოტულა ტანჯვით რით ვერ გამოვიყიდე. რაზე მკარავეს საზოგადოება, ცოცხლიე მამოარებს ჩემს საყვარელ ცოლშვილს. კანონმა დამსაჯა და მეც დავემორჩილე, საზოგადოებამ რათ მომიძულა, ვის რა დაუშავე“... ნეტავი შენ მკითხველო, რომ ჩემებრ არა ხარ იძულებული უყურო და ნახო ჩვენი ძმები, ჩვენი სისხლი და ხორცი იმ დროს, როდესაც იგინი თავიანთ მშობელ ქვეყნისაგან განწირულნი მიემგზავრებიან ცე ქვეყნებისაკენ სამუდამოთ, ოჰ, თუ რა გულსაკლავი სასოწარკვეთილება იხატება ხოლმე იმათ სახეზე! რა საშინლათ გულდათუთქულნი მალ-მალ გაიხედებიან იმ მხარეს, „სად მამა-პაპა ეგულვით და მათი კუბოს ფიცარი“. მე მოვალეობა მაიძულებს, რომ ყველა ტუსადი, რომელსაც, ციშირში ავზავნიან, უსათუოთ უნდა ენახო გამგზავრების დროს. არც ერთი ტუსადი, სხვა ტომისა არ მინახავს ისე მოკლული, ისე გამწარებუ-

ლი და ისე შესაბრალისი, როგორც არიან ხოლმე ქართველები.

ბევრი გაჭირება ადგიათ აქ პატიმრებს, და მათ შორის ქართველებს უფრო, მაგრამ ქართველობა იანე ვაჟკაცურათ იტანს დანიშნულ სასჯელს, რომ ერთხელაც არ შემიმჩნევია სულ-მოკლეობა და დაღრეჯილობა. ყველანი მხნეთ იტანენ ტანჯვას, ყოველთვის ეტყობათ რომ დღე და ღამე იმაზე ფიქრობენ, როდესმე მაინც დაებრუნდებიან ჩვენ ქვეყანაშია და ამ დროს კი ეუბნებიან: საზოგადოებამ არ მიგილოყო, ციშირში უნდა წახვიდეო!.. ამ სიტყვებს შემდეგ სრულებით ვეღარ იცნობ ქირის ამტან ქართველ კაცს... შესაბრალისი სანახევია ხოლმე მაშინ ისიც და მეც, მკითხველო, რომ იძულებული ვარ ვიყო ხოლმე ამის ჰოწამე. არა, ეს რალაც უცნაური ქირი შემოჩვევია ჩვენ სოფლებს! ვინ ქართველი-და ვინ გულქვაობა. ამ სენს რაიმე წაპალი უნდა. საჭიროა შეგაგონან ხალხს თავიანთი შეილების შეუბრალებლათ განძეგებას, თუ რა ცუდი შედეგი აქვს. შეგაგონან, რომ მშობლასაგან შობილის განწირვა დასაკარგათ ცოდვა და სირცხვილი.

მღ. ი. შანავაძე.

* * *

გუდაუთი (აფხაზეთი). დიდ განსაცდელშია დღეს ჩავარდნილი გუდაუთის მასრა უქვიშობის გამო. როგორც თვით დაბა გუდაუთში, ისე სოფლებშიაც იმნაირათ გაძლიერებულა ციებ-ცხელება, რომ ერთ ოჯახს ვერ ნახათ, სადაც ავთოყოფი არ იყოს. განსაკუთრებით ამ სიცხეების გამო დიდ გაჭირებაში ჩავადო ხალხი ცხელებამ. აღამიანს შიგინთ ტანში უჩნდება სიცხე, გარედან კი გრილა, თავბრუ ესხმება, პირიდან აღებინებს, სხეულს უსუსტებს, სიცხე გადადის თავში და თუ თავის დროზე ვერ მოეშველენ, უჩნდება ანთება, რომლიდანაც უპატრონობის და მოუვლელობის გამო ძრიელ ცოტა რიცხვი რჩება. ვახდება თუ არა ვინმე ავთ კარებზე სამი-ოთხი მკითხვე-მატყუარა მიადგებიან და ყველა მათგანი საუკეთესო ცოდნას იჩენს. ამათი აქიშობა კი ყოველთვის უბედურებით ბოლოვდება ხოლმე, ამის დასამტკიცებლათ არა ერთი და ორი ფაქტიც შეიძლება მოვიყვანო, თუ რომ საჭირო იქნება.

ჩემის აზრით დროა ახლა მაინც მივაქციოთ ყურადღება ამ სამწუხარო გარემოებას. ყოველ შემთხვევაში, მიუცილებლათ, საჭიროა ექიმის მოწვევა მთელი გუდაუთის მაზრისათვის. ყველა დარწმუნებულია, რა ძვირათ ჯდება სოხუმიდან გამოწერა ექიმისა, რომელიც მხოლოდ მაშინ მოაწევს, რო-

ცა ავით მყოფს მოსარჩენი პირი აღარა აქვს; რასაკერეცლია ამ შემთხვევაში ექიმი ევლარაფერს უშველის. ხშირია ისეთი შემთხვევებიც, რომ ამ ნაირათ მოწვეული ექიმი ავთმოყოფს ცოცხალსაც ევლარ უსწრებს. აუცილებლათ საქირაა, ამ საქმეს რაიმე კეთილი დაბოლოება მიეცეს.

თ. გოგიტიძე.

* *

საჩაგაული (შორაპნის მახრა). აქაურმა ინტელიგენციამ განიზრახა წარმოდგენის გამართვა ადგილობრივ ორკლასიან სკოლის სასარგებლოთ, რომელიც, უნდა მოგახსენოთ სიმართლედ, მცხოვრებთა დაუდევრობისა გამო უკიდურეს მდგომარეობაშია.

ყმაწვილები ენერგიულათ შეუდგენ საქმეს: ყველაფერი საქირა მასალა წარმოდგენისათვის დაამზადეს, მოაწვიეს რამდენიმე პირი სხვა-და-სხვა ადგილებიდან და სხვ. შემდეგ მიმართეს ადგილობრივ ბოქაულს. ნება-რთვის ასაღებათ. მაგრამ ამ უკანასკნელმა ამაზე უარი განაცხადა. ამის თაობაზე შემდეგ ვის არ მიემართეთ, მაგრამ ყოველგან და ყველასაგან უარის: გარდა ვერაფერი მივიღეთ. არ ვიცით და ვერ გავიგია რას მივაწეროთ ეს გარემოება. იმ პიესებზე, რომლების წარმოდგენა ჩვენ გეინდოდა, ასე ეწერა: „разрѣшено Главноначальствующимъ на Кавказѣ для представления во всѣхъ уголкахъ края“. ეგების ხარაგაული არ იყოს საქართველოს ნაწილი — ეინ იცის! ყმაწვილები იმდენათ შეწუხდნენ ამ გარემოებით და დაქარგეს იმედი, რომ, მგონი, არასოდეს აღარ მოჰკიდონ ამგვარ საქმეს ხელი.

სიკო.

* *

ქიზიყი. ჩვენ დარბაისელ და დინჯ ქიზიყს ვინ არ იცნობს ჩემო მკითხველო. შედარებით საქართველოს სხვა კუთხეებთან სიღარბაისლით და სიღინჯით მას ყველაზე მეტი ადგილი უჭირავს და სწავლა-განათლებით-კი ყველაზე უკანასკნელი. მართალია, ამ ბოლო დროს ცოტ-ცოტა თითქოს სხვების მიზაძეით ქიზიყელებიც იღვიძებენ აქა-იქა ბეუტად მნათობებსავეით, თითო-ორიოლა ინტელიგენტების დახმარებით, მაგრამ ეს რომ შევედაროთ სხვებს, ძალა-უნებურათ მოგვაგონებს იმას, როცა ეტლით მოარულს ვინმე ჰოქინით გამოუდგება უკან და აბა ჰოქინით სიარულით რას გავხდებით. — იქნება, მკითხველმა არ დაიჯეროს ასეთი შედარება, ამიტომ თვით ფაქტებს მიემართოთ. სტატისტიკური ცნობები გვეუ-

ბნებთან, რომ მთელს ქიზიყში 54 სოფელია 100,000 მცხოვრებლებით. ამდენი ხალხის გონებითი საზრდოს შეადგენს 10 სოფლის სკოლა, 2 სამოქალაქო სასწავლებელი და ორი თუ სამი რაღაც სამკითხველოს მგავსი. აი, ეს არის და ეს ქიზიყელებს ავლადიდება და მათი სწავლა-განათლების წყარო.

ეს რამდენიმე წელიწადია, რაც ადგილობრივ მცხოვრებთ მოსავალი კვლანდებურათ ხელს აღარ აძლევს. წელს აქაური ევენახები თითქმის სულ მთლათ „მილდიუმ“ იმსხვერპლა. აქა-იქა თუ სადმე გაღარჩა წაუხდენელი მილდიუსაგან ეს აიხსნება იმით, რომ ბევრმა თავის დროზე, უწამლეს ევენახს; ამანართ აშკარათ დარწმუნდა ჩვენი ხალხი, რომ ყოველ წლიე აუცილებლათ ეჭირება იმათ ევენახებს წამლობა. აქამდის კი ეს დალოცვილები ერთი და ორი თუმნის ხარჯს ერიდებოდნენ წამლისათვის და ასობით და ორას თუმნობით რამ ზარალი მოზდიოდათ, იმას კი აღარ ჩიოდნენ. ამდენმა მოუსავლობამ და ათასგვარმა გადასახადებმა ქიზიყელი ხალხი ძრიელ შეაწუხა და გულიც გაუტეხა, განა მართო ისინი არიან ამ დღეში? აბა ახლა იმერეთისკენ გადავიხედოთ ამ წარსულ წყალ-დიდობისაგან რა იუარებელი ზარალი მოუვიდათ იქაურ მცხოვრებთ, მაგრამ მაინც გულს არ იტეხენ და უკანასკნელს გრომსაც არ იშურებენ სწავლა-განათლების გასაერცვლებლათ; ისინი ყოველ დღე ცდილობენ და იმის ფიქრში არიან, რა სადაც სკოლების დაარსებას ვერ მოახერხებენ სამკითხველოები მაინც გახსნან. გარდა ამისა სოფლიდან-სოფლებში ქართულ წიგნები გადააქეთ ხალხში გასაერცვლებლათ. ვინ არ იცის, რომ რაც ერთსა და ორ კაცს არ შეუძლია იმას მთელი საზოგადოება ადვილათ შეძლებს, მაგალითია სოფ. ქვემო მაჩხანის დებო. ამას გარდა ქიზიყელები იმდენათ ლატაკები არ არიან, რომ ორი გრომის გამოღება არ შეეძლოთ სასარგებლო საქმისათვის.

შაქრო კახნაძე.



* *



რბელიანის სამხატვრო ნიჭი არ მოუტია ჩემთვის განგებას, ვერ ავწერ, მისებო, მე საქართველოს სიღიადეს და შეენიერებას.

არც მომმადლეია ბარათაშვილის ტიტანიური „სულის კეთება“;

იმის „ზღვა გულის“ საშინელ „კენესას“ ჩემი ტირილი ვერ შევდარებ.

— არც აკაკისებრ, აზრის ჩამოსხმის და ლამაზათ თქმის მაქვს მე უნარი, მის „სუბუქ ფრთითა აღმაფრენ“ ლექსთან ჩემი ლექსია დასაწუნარი!

— მაგრამ რა ეუყოთ?.. განა ბნელაში უბრალო ქრაქიც არ სწევს სანთლობას; განა იმისი, ოდნავ მბჟუტაეი სინათლე არ ჯობს სულ არაობას?

— მეც იმ ქრაქს ვგეყარ, ლე თუმც არა ვარ, ზეგარდმო მადლით უხვათ ცხებული, გარს შემორტყმულ ბნელს ვფენ მცირე ნათელს, წმინდა გრძნობითა აღფრთოვნებული!..

დუტუ შკეტელი.

გიმნაზიის მოწაფე ქალთა მოგზაურობა ნიჟნი-ნოვგოროდის ვაჟოთენამზე.

წერილი III

მოვედით თუ არა ნიჟნი ნოვგოროდში, ჩვენი მასწავლებელი მაშინვე წავიდა ბიურაში იმის შესატყობათ, თუ სად უნდა დაგვადინავენ, ჩვენ კი სადგურზე დავეტოვა. მოუთმენელათ მოველოდით მის მოსვლას, თანაც პლანებს ვაწყობდით, როგორ უნდა დავათვალიეროთ მთელი გამოფენა. გადავწყვიტეთ, ყოველ დღე ორ ორი განყოფილება დავეთვალიერებინა და ყოველგან ახსნა მოგვემინა. გავიდა ერთი საათი, მეორე, მესამე... ჩვენი მასწავლებელი არსად ჩანს.—უთუოთ იქ ჩვენთვის შევნიერ სადგომს ამზადებენ!—ეფიქრობდით.

დაბრუნდა, როგორც იქნა, ჩვენი მასწავლებელი, გამოგვიცხადა, აქაურ ქალების გიმნაზიაში უნდა ჩამოვხტეთო, გაგვიძღვა წინ და წაგვიყვანა. ქალების გიმნაზია კარგა მოშორებით გამოდგა, მაგრამ ჩვენ მხიარულათ მივემგზავრებოდით, კარგი სადგომის იმედი გექონდა და უცხო ქალაქში სიარულიც გვეხალისებოდა. ელექტრონულმა კონკამ ხომ სულ აღტაცებაში მოგვიყვანა.

მივახწიეთ, როგორც იქნა, გიმნაზიასაც—და აქ კი იმედები გავვიტრუვედა; შეგვიყვანეს ერთ მორ-

ჩილ ოთახში, რომელშიაც ოთხი კედლის, ჭერიატაკის, ფანჯრების, კარის და ერთი დიდი შავი დავის გარდა არა იყორა.

—აი, ოც-და-ექვსევე აქ უნდა დადგეთ, იმედია კარგათ მოეწყობით!—გამოგვიცხადა ზედამხედველის თანამშემწემ.

სხვა რალა ღონე იყო, უნდა დაეკმაყოფილებულიყავით.

—ლოგინები ხომ მინც გვექნება?—ეკითხნოთ ჩვენ.

—ჩამოდენიმე ლეიბი გვაქვს და იყოფინეთ.

შემოიტანეს თერამეტა ლეიბი და ისე მოჰფინეს იატაკი, რომ ფეხის დასადგამი ადგილი აღარსად იყო. ჩვენ მინც უსიამოვნობას არ ვაცხადებდით, „უფასო სადგომს სხვა რა მოეთხოვებათქო“?—გეუბნებოდით ერთმანეთს, მაგრამ ამაშიაც მოგეტყუედით! ამ სადგომს უფასო კი ჰქვია, მაგრამ ყოველ დღე ყოველ მოწაფეს მასში სამი შაური ერთმევა. დილაობით, ჩვენ ისე ლოგინში ვწევართ, რომ შემოგაზედამხედველის თანამშემწე და სათითაოთ ჩამოგვართმევს სამ-სამ შაურს. ამნაირათ ერთ კვირაში ჩვენგან ერთ ოთახში 30 მანეთამდის მიიღებენ. მგონი „ფასიანი“ რომ ყოფილიყო ეს სადგომი, მაშინაც არ მოვგოთ ამდენი!

აქაური გიმნაზია სულ ავსებულია; რა რუსის ქალაქს იტყვიოთ, რომ იქაურ გიმნაზიელ ქალებს აქ არ მოეყაროთ თავი! ჩვენ ყველა გვიბღვერს და გვერიდება, საშინლათ უყვიროთ, რომ თბილისის გიმნაზიაში ისეთივე მასწავლებლები ყოფილან, როგორც იმათში.

—ნუ თუ თბილისში ნამდვილი გიმნაზია გაქვთ?—გამომელაპარაკა კიევის გიმნაზიელი ქალი.

—როგორ თუ ნამდვილი გიმნაზია?

—ისე, გიმნაზიაა თუ დასაწყისი სასწავლებელი?

—დასაწყისი სასწავლებელიც ბევრია და გასათავებელიც. სამი ქალების გიმნაზიაა, სამი ვაჟების, ინსტიტუტი, ზვედენია, პროგიმნაზიები, კორპუსები და სხვა-და-სხვა... ცოტა წავეუმატე მეც.

—მერე ვინ სწავლობს იქ? სულ ლეკებია?—გაკვირვებით მკითხა მან.

—ვინ და ქართველები...

—მერე როცა რამეს უხსნიან სასწავლებელში, გაიგებენ ხოლმე?—გამაწყვეტინა სიტყვა.

მე გაკვირვებით შევხედე, გამოვბრუნდი და აღარ დავათავე ჩვენი საუბარი.

ყველაზე შესანიშნავი აქ ელალიმირის გიმნაზიელი ქალები არიან. ისინი მთელი ამალით ჩამოვიდენ; ჩამოჰყვით თავისი ზედამხედველის თანამშემწე, ორი მასწავლებელი, ექიმი, ორი გოგო და შევიცა-

რი. ვარდა ამისა ყოველმა მათგანმა ჩამოიტანა სახის ვასალამაზებელი სხვა-და-სხვა წამლები. ერთ მათგანს წარბების საღები პირისაბან ოთახში დარჩა. ჩვენ, დიდი ხანია, უვაქსობა გევიტრებდა საქმეს; ყიღა ჯერ ვერ მოგვეხერხებინა, გიმნაზიაში კი თითო ფესსაც-მელის გაწმენდაში ორ-ორ შაურს გვართმევდენ; ჩემმა ამხანაგმა იუიქრა, შეგვეწია ღმერთი, ვილაცას ეაქსი დაეწყებიაო, დააფურთხა ზედ და ფესსაცმელზე წასმას უპირობდა, მაგრამ საწყალს არ დააცალეს! წამლის პატრონი გააფთრებული მივარდა და გამოსტაცა ხელიდან თავისი საუნჯე.

ვლადიმირის გიმნაზიელები „ზემსტეო“-ს ხარჯით არიან გამოგზავნილი. რა რკუილათ გაუფცქენიათ საწყალი გლეხები! გამოფენა ისე არ უნახავთ, როგორც მე ჩინეთის იმპერია! დააყენებენ წყვილწყვილათ და წაიყენებენ; გამოფენის ქუჩებზე ისე ნელ-ნელა დაყავთ, გეგონება, ყველას ფეხები აქეთ დამტერებულიო, შევლენ რომელსამე განყოფილებაში და ქარივით გაიქროლებენ, ვერაფრის ნახვას ვერ მოასწრებენ ხოლმე, რადგან მათი ზედამხედველის თანაშემწის აზრით უწესობაა ახალგაზდა ქალები იქ იყვენ, სადაც ახალგაზდა სტუდენტები უხსნიან ყველაფერს.

ჩვენ სულ სხვანაირათ მოვაწყვეთ საქმე. ჩვენმა მასწავლებელმა სრული თავისუფლება მოგვცა. ჯგუფუჯგუფათ დაეყავით და ოთხ-ოთხი, ხუთ-ხუთი დაედევართ ერთათ. ფულზე ყველა ცოტა სუსტათა ვართ, ამიტომ თითქმის ყოველთვის ფეხით მივიდევართ და მოვიდევართ, თუმცა გიმნაზიიდან გამოფენამდის 7 ვერსამდის არის. გზაზე ცოტა საკმელს ეყიდულობთ და, დრო რომ არ დაეკარგოთ, იქვე საღმე მიეფუჯდებით მაგიდას და შევექცევით.

გამოფენა ყველას ძალიან მოგვეონა, მიკვირს, როგორ ამბობენ, საინტერესო არა არის რაო. ჯერ მარტო გარეგანი შეხედულობითაც ისეთი კარგია, რომ შეიძლება ადამიანმა დილიდან საღამომდის იაროს მის ქუჩებზე და მისი ყურება არ მოწყინდეს. ქუჩები სულ წითელი ქვიშით არის მოფენილი, ზედ რელსებია გაყვანილი და ელექტრონული კონკა დაიარება. შესავალთან შევნიერი ტბაა, რომელშიაც გედები დატურავს; ამ ტბის გარშემო წყალი შეუწყვეტილვ სცემს ზევით და ისევე ტბაში ჩადის. ყველა სახლი სხვა-და-სხვა სტილის არის და ყველა ერთი მეორეს ჯობს. მე განსაკუთრებით სამხატვრო განყოფილების თეთრი ქვითკირის, სხვა-და-სხვა ქანდაკებით მორთული შენობა მომეწონა. თითქმის ყოველი შენობის წინ, ბალახით და ყვავილებით შემკული პატარა მინდორი არის. მოსკოვის პავლიონის წინ კი ყვავილები ისე შეხამებულათ არის დათესილი,


რომ გამოყვანილია წმინდა გიორგი, როცა ის შუბსა სცემს გველშას. პირველ შეხედვაზე გეგონება, ეს ნახატი მწვანე ხავერდზე მოქარგული არისო.

დაუთვალეირებელი ერთი განყოფილებაც არ დაგვიჩენია, რადგან აქ ეს მეთერთმეტე დღეა ვართ. ეცდილობდით, ყველგან ახსნაზე დავსწრებოდით და კიდევაც ვახერხებდით ამას, ისე რომ ახლა თამამათ შეგვიძლია ვთქვათ, გამოფენაზე ვიყავით და ყველაფერი ენახეთ-თქო. ყველა განყოფილებაზე უფრო მოგვეწონა „центральное“, სადაც რამოდენიმე სხვა-და-სხვა რამ არის მოთავსებული; ეს დიდი რვაგალი შენობაა, რომელშიაც ხშირათ დაგებნივია გზა და თავი და ბოლო ვეარ გვიპოვნია, მაგრამ მაინც მას ეტანებოდით და ერთი ოთხჯელ მაინც დაეთვალეირეთ. ყოველივე საუკეთესო ხელოვნურ ნაწარმოებს, ყოველივე ძვირფასს და შესანიშნავ საგანს იქ უპოვია ალაგი. ზაგალითათ იქ დგას ორი პატარა, შევნიერი მაგიდა, რომელიც ჩვენ რამე ძვირფასი ქვის გვეგონა, ის კი—გაქვავებული ხის გამოდგა. ციმბირის განყოფილებაში ჩვენი ყურადღება მიიქცია სპილოს ძელის სხვა-და-სხვა ნამუშევარმა; ისე წმინდათ და ნაზათ არის სხვა-და-სხვა საგნები გამოჭრილი, რომ ჩვენ ნაქსოვი არშია გვეგონა. ძალიან მოგვეწონა აგრეთვე მაშინების განყოფილება, სადაც ყოველ დღე, ორი საათიდან ოთხამდის, სხვა-და-სხვა ნაირი უზარ-მაზარი მაშინები მუშაობს. სამხატვრო განყოფილება არ მოგვეწონა, უთუოთ მოსკოვში ტრედიაკოვის გალერეის დათვალეირებამ წაგვიხინა შთაბეჭდილება.

აზიის, ჩინეთის, იაპონიის და სხვა ქვეყნების განყოფილებაში ზოგან კაცის ხელა ტიკინებია გაკეთებული და თავის ქვეყნის ტანისამოსს აცვიათ, ზოგან კი ნამდვილი იქაური კაცებია ჩამოყვანილი და დაყენებული. ერთმა ჩემმა ამხანაგმა ჩრდილოეთის განყოფილებაში დაწვრილებით დაათვალეირა თავიდან ფეხებამდის დიდი ტიკინი; რას არ უშერებოდა, ტანსამოსს უწევდა, ქუდსაც უშინჯავდა, ხელებსაც აქეთ იქით უტრიალებდა... გათავდა დათვალეირება, ტიკინი მობრუნდა და წაიდა! თურმე ნამდვილი კაცი ყოფილიყო! ქართველი ქალის ტიკინიც ენახე, მაგრამ სანამ ქვეშ წარწერა არ წაივითხე, ვერ მივხვდი, რომ ჩვენებურს ეხდავ. რაღაც თათრული გაფარვაშებული ხალათი ეცვა, ფართე შარვალი და თავზე ჭრელი მოსახვევი ჰქონდა წაკრული.

—ეს ქართული ტანსაცმელი არ არის!—ეუთხარი მე იმ კაცს, რომელიც თავმოწონეთ შეჩერებოდა თავისგან ჩაცმულ დედოფალას.

—როგორ არა, ნამდვილი ქართულია!—მიპასუხა მან.



მ რ თ ქ ლ - მ ა გ ა ზ ი გ ე მ ი .

—მე თვითონ ქართველი ვარ და საქართველოში მაგისთანა ტანსაცმელი თვალითაც არ მინახავს.

—მე ეს ძველი მუზეუმის ალბომიდან გადმოვიღე და გარწმუნებთ, რომ ნამდვილი ქართულია!

რად ა უნდა მექნა, გავჩუმდი.

დღეს სახლში მოვემგზავრებით. აქაურობით ყველაფრით ძალ იან კმაყოფილი ვართ, მაგრამ ყველას ისეც კავკასიისკენ მოგვეჩქარება, ახლა კი გავიგეთ, რომ თავის ქვეყანაში უოფნა ყველაფერს ჯობნებულა.

კლიკო.



კრიტიკული შენიშვნა.

(„მოამბე“ № 3 1895 წ.)



არზან „მოამბეში“ (მარტის ნომერში) დაიბეჭდა იას. ნიკოლაიშვილის პატარა ამბავი: „რას მერჩით, მეც აღამიანი ვარ!“, რომელმაც საზოგადოების ყურადღება მიიქცია. ამ ამბის შესახებ მინდა გამოეთქვა ჩემი აზრი და გავუზიარო „კვალის“ მკითხველებს.

რადგანაც შესაძლებელია, მკითხველო, რომ ზემო-ხსენებული ამბავი სრულიად არ წაგეკითხოს, ან კიდევ თუ წაგიკითხავს—დაგიწყებოდეს, ამიტომ საჭიროთ მიმიჩნია, ვიდრე თვით ამბავზე მოგახსენებდე რამეს, გადმოგცე იმის შინაარსი.

ქალ. №-ში სახარებო ბაზრობის გათავებას შემდეგ ვაჭრები ფაცა-ფუცით ემზადებოდენ სახლში წასასვლელათ; არა ჩქარობდა მხოლოდ ერთი პატარა ებრაელი, ელო, რადგანაც ის კიდევ აპირებდა კარიკარს ჩამოეღას და ვაჭრობას. ელომ სწორეთ იმ დროს გამოიარა სკოლისაკენ საწერიმალლით, როდესაც სკოლაში სწავლა გათავებულიყო, და ყმაწვილები სახლში მიდიოდენ. ყმაწვილებმა ებრაელი რომ დაინახეს, გარს შემოეხვიენ და დაუწყეს დაცინვა, როგორც ურიას, მაგრამ მალე თავი დაანებეს, რადგანაც მომავალი მასწავლებელი შენიშნეს. ყველაზე ბოლოს სასწავლებლიდან გამოვიდენ უსადილოდ დატოვებულები: დავით ბენდელაია, ცამეტ-თოთხმეტის წლისა და სიკო ბრელიძე, ცოტათი პატარა პირველზე. დავითმა ებრაელი რომ დაინახა გადწყვიტა მასწავლებლის ჯავრა მასზე ამოეყარა—ე. ი. დააპირა მისი გაცარცვა. თავისი განზრახვა დავითმა სიკოსაც შეატყობინა. მიზნის მისახწევათ პატარა ელო, ვითომ და სახლის პატრონთან, ქალაქის ნა-

პირას გაიყვანა. აქ დავითმა ელოს ჯერ ფულები მოთხოვა და მერე, რადგან მისგან ფულები ეცრა მიიღო-რა, დაჭრა თავში ჯოხი; ებრაელი უსულლოთ მიწაზე დაეცა. ამას შემდეგ ბენდელაიამ განხნა ვაჭრის ბოხჩა, ამაოლაგა იქიდან დანები, საპნები და სხე-, მოჰკურცხლა შინისკენ და თანაც სიკო გაათხილა, არამც და არამც ეს ამბავი არსად განაცხადო, ხოლო საღამოს თავის ხელით მიუტანა სიკოს ზოგიერთა ნადავლი ნიეთები. გულ-შელონებული ელო მალე მოკოცხლდა და მასწავლებელთან წაიდა საჩილელოთ ამ ამბავმა შეაწუნა მასწავლებელი, მაგრამ იმის მეტი ეცრა მოუხერხა-რა, რომ დაჩაგრული ებრაელი ანუგეშა, აჩუქა სამი მანეთი და გაისტუმრა. მერე დღეს მასწავლებელმა ამნაირათ მიმართა შეგირდებს: „თქვენ შორის ზის ორი ავაზაკი, ისინი სწამლავენ ამ ოთახის ჰაერს... ავაზაკო, აიხალე პირ-ბადე!..“ ამ სიტყვებმა ისე იმოქმედა სიკოზე, რომ იმას გული შეულონდა. მასწავლებელმა გულ-შელონებული მოწაფე თავის ოთახში გაიტანა, აქ სიკო გამოუტყდა ოსტატს, რომ იმან გაცარცვა ებრაელი. მასწავლებელი აზრით მიხვდა, რომ დავითიც მოანწილეობას მიიღებდა. შეგირდებს დაანება თავი კლასში (?), წაიდა დ. ბენდელაიას სახლში და მართლაც ნადავლი ნიეთები იპოვნა, რის გამო დავითი დავითხოვა სკოლიდან, ხოლო სიკო ცოტათ დასაჯა, რადგანაც თითონ აღიარა დანაშაული. დ. ბენდელაიამ იფიქრა, რომ მასწავლებელთან სიკომ დამაბეზლო და სამაგიეროს გადახდა მოინდომა: ერთ ღამეს დავითმა ჯოხით გაუხეთქა სიკოს თავი, რომელსაც ანთება მოუვიდა და ცოტა ხანს შემდეგ მოკვდა კიდევ.

ბ. ნ. მიხაილოვსკი ამბობს: „ყოველივე სიტყვა კაზმული ნაწარმოები არის არა მარტო საგნის გამოხატვა, არამედ მსჯელობაც ამავე საგანზე“. სწორეთ ეს მსჯელობა, რომელიც ავტორს უფრო ეკუთვნის, ვინემ მასწავლებელს, არის საყურადღებო ამ ამბავში და მეც მსურს ამ მსჯელობას მიექციო მკითხველის ყურადღება.

როცა მასწავლებელმა გაიგო შეგირდებისგან ებრაელის გაცარცვა, აი, როგორი ფილოსოფოსობა დაიწყო: „ვაი, სირცხვილო! ვაი, გაცრუებულო იმელო! ამისათვის შევალე ამ საქმეს ჩემი ჯანი და ღონე, რომ ავაზაკები გამოემზარდა?! „ბავშვის სული სუფთა ფიცარია (tabula vasa), რაც უნდა იმას დააწერს ზედ აღმზრდელიო“, ამბობს ერთი ცნობილი ფილოსოფოსი, ლოკი. კარგი, დავიჯეროთ, მაგრამ რას გვეუბნება ეს უბედური მაგალითი? ნუ თუ გამიწყრა ღმერთი და მე ვარ იმ ბოროტ-მოქმედების მიზეზი, რაც ახლა ჩემმა შეგირდებმა ჩაიდინეს? არა,

კეთილი მაგალითის მეტი რა უნახავთ სკოლაში? განა ოდესმე გადამიხვევია სიტყვით ან საქმით ქრისტეს მცნებისათვის? არა და არა!.. აქ სხვა მიზეზია. დიახ, სხვა! არა ბატონო ფილოსოფოსო, არც ისე „სუფთა“, თქვენ, რომ ფიქრობთ. ბევრი რამა ამ „სუფთა ფიქარზე“ ამოსაფხვკ წასაშლელი. ბევრი რამ სიავეა ზედ უჩინარის ასოებით წარწერილი“.

ამ „მწარე“ ფიქრებიდან ის აზრი უნდა გამოიყვანოს მკითხველმა, რომ მასწავლებლისა და მა-



ნ ა ვ თ ს ა დ გ უ რ თ ა ნ .

შასადამე ავტორის შეხედულებით, ყმაწვილებმა (ანუ უკეთ რომ ეთქვათ დავითმა), ეს ავ-კაცობა ჩაიდინეს იმიტომ, რომ ყმაწვილის სული „სუფთა ფიქარი“ არ არის, რომ „ბევრი რამ სიავეა ზედ უჩინარის ასოებით წარწერილი“, როგორც მასწავლებელი ამბობს.

დაუჯეროთ ცოტა ხანს მასწავლებელს და მიეუბრუნდეთ თვით ამბავს.

13 — 14 წლის ყმაწვილი — შეგიხრდმა მოინდომა ებრაელის გაცარცვა, მაგრამ რადგანაც ფული ვერა მიიღო — რა იმისგან, სასიკვდილოთ გაიმეტა, თავში ჯონი დაჭრა. დავითმა რათ მოიწადინა ებრაელის გაცარცვა და ბოლოს სიკვდილიც და არა სხვა ვისიმე? თუ მასწავლებელს მიემართავთ ამ კითხვით, ის გვიპასუხებს, რომ დავითი ყაჩაღათ იყო დაბადებული და თანაც დაუმატებს: „კეთილი მაგალითის მეტი რა უნახავთ სკოლაში? განა ოდესმე გადამიხვევია სიტყვით ან საქმით ქრისტეს მცნებისათვის“. ჩემის აზრით, მასწავლებელი დიდათ შემცდარი ბრძანდება; პირველათ იმაში ცდება ის, რომ მას ჰგონია, ვითომც მასწავლებელი, რომელიც დღეში რამდენიმე საათის განმავლობაში ასწავლის ბავშვებს, ყოვლის შემძლებელი იყოს და ყმაწვილების მიმართულება და ხასიათი სულ მასზე ეკიდოს. სკოლას და მასწავლებელს ბევრი შეუძლიან, მაგრამ ყველაფერი კი არა: უფრო ძლიერი სკოლა და აღმზრდელი არის თვით ცხოვრება და კერძოთ — ოჯახი. მასწავლებელმა ლოკს კრიტიკა დაუწყო და ცხოვრებაში კი არ ჩაიხე-

და: ერთხელაც არ წამოცდენია, რომ იქნება ოჯახი და ცხოვრების პირობები არიან დამნაშავენიო... მასწავლებელმა თავი გაიმართლა ვითომ, შესანიშნავ ფილოსოფოსს ერთი კი მუჯღუგუნი ჰქრა და სამწუხარო მოვლენა კი ვილაცას და რალაცას გადაბრაალა, ანუ უკეთ რომ ეთქვათ ბუნებას მოახვია თავზე. ეს ალბათ იმიტომ მოახდინა ავტორმა და მის მიერ მოვლინებულმა მასწავლებელმა, რომ ასეთი ახსნა „სამწუხარო“ მოვლენისა უფრო ადვილი იყო.

ჯერ ერთი ესა, რომ თვით მასწავლებელი არც ისეთი უდანაშაულოა ამ საქმეში, როგორც იმასა ჰგონია. როცა სიკამ დაუშალა დავითს ებრაელის გაცარცვა, აი, უკანასკნელმა ამაზე რა უპასუხა: — „ცოდნა? ცოდნა კი არა მადლია! რა დაუშავებია? როგორ თუ რა დაუშავებია?.. განა დაგვიწყდა დღეს რომ მასწავლებელმა გვიამბო? მაშ, ვინ აწვალა ქრისტე? რა დაუშავეა იმათ ქრისტემ? ჰო, რა დაუშავეა? რა დაუშავეა? აღარ მეტყვი? სიკეთის მეტს რას უშერებოდა?“ ამ სიტყვებიდან ჩანს, რომ მასწავლებელს თითონ წაუსისიანებია შეგიხრდები ებრაელისათვის და ამ რიგათ თვით ხდება სულიერი ამხანაგი ამ ვითომ და ყაჩაღებისა.

გარდა ამისა, ყველამ ვიცით რა თვალთაც უყურებენ ურიებს. ამისი მიზეზი უნდა ვეძიოთ არა სარწმუნოებრივ განსხვავებაში (უმთავრესათ მაინც), არამედ იმ ეკონომიურ პირობებში, რომელიც სუფევს ქართველებსა და ურია — ეკატრთა შორის. პირველი უმთავრესათ მიწათ მომქმედია და შე-

დარებით—ლარიბიც, მეორენი—მოვაჭრენი და—შე-
ძლებულნი. ამიტომ მათ შორის არსებობს მძულვა-
რება, თუ აშკარათ გამოხატული არა, დაფარული
მანც. ამ საზოგადო მძულვარებას ემატება მასწავ-
ლებელისა და საზოგადოების ჩაძახალი, რომ ურჩებ-
მა ქრისტე აწვალეს, ისინი ქრისტიანების სისხლსა
ხმარობენ ზაარებათ და სხე... განა სიღარიბე, სი-
ძულელი და ეს ჩაძახილი საკმარისი არ არას, რომ
13—14 წლის ბიჭს გააბედინოს პატარა ებრაელის
გაცარცვა? აი, რას ამბობს თვით ავტორი: „დაეით-
მა ელო შეაჩერა და მრისხანეთ უთხრა; „აბა ამო-
ალაგე ჩქარა რაც ფული გაქვს!“ ებრაელს ფულები
რომ ამოეღებინა, მიშინ დაეითი არც უღმერთოთ
გალახაედა და მით უფრო მოკელას არ მოინდომებდა.

აქედან მე ის დასკვნა გამომეყვას, რომ დაეითი
ბუნებამ კი არ გააჩინა ყაჩაღთ, არამედ ეკონო-
მიურმა პირ. ბებმა და საზოგადოებამ შექმნა ასეთი
ხასიათი.

„რას მერჩით, მეც ადამიანი ვარ!“—ს ცხადათ
ეტყობა, რომ ავტორს აუღია მეცნიერებისაგან და-
მტკიცებული ფაქტი: ზოგს კაცს ბუნება ავაზაკათ
გააჩენს ხოლმე, რომელსაც განსხვავებული თავის
მოყვანილობა აქვს და სხე... და ამაზე აუშენებია
თავისი ამბავი, მაგრამ, როგორათაც ზემოთ ნათქვა-
მიდან დაინახეთ, ეს ვერ მოუხერხებია, რის გამო
მეცნიერული აზრი და ნამდვილი ამბავი ერთი-ერთ-
მანეთს არაუფერში არ ეთანხმება.

ი. გ.—რი.



პოეტის სიტყვა.



მე, მე ვიყო ძმათგან დენილი,
ლახვარ ნაკრავი მწარეთ ვნებული;
დღე, მე ვიყო თვით საზიზღრება
და ყველას მიერ მოძულებული!

დღე, მე ეძულდე, მე ეძადე ყველას,
დრომდის მე ვიყო ძმათგან გმობილი,
დღე, ვიტანჯო დრომდის ამ გვართ,
ვიყო მრავალ გზით ლახვარ სობილი!


დღე, დამსაჯონ დასასჯელებმა,
ურწმუნოებმა შემახონ ხელი,
დღე, ვინც უფრო დასასჯელია,
მათ შეურაცხონ ჩემი სახელი!

დღე, ამიგდონ მასხრათ მასხრებმა,
უფიცთა მორთონ ჩემზე სიცილი,
დღე, დრომდისინ დამთვალონ ბრყევთ
მე, დღეს ყოველ მხრით ღონე მიხდილი!

დღე, მშობელმაც ნუ მცეს ნუგეში,
დრომდის იტანჯოს მისგანც ეს გული,
დღე, უდროვით მომკლას ნაღველმა
მისგამო ცეცხლში დამწვარ-დაგული.

დღე, დრომ დასდვას თვის განაჩენი
შესაფერისათ ჩემზე ყოველი,
დღე, მან ამცნოს შემდეგში ძმათა
მიმართულება ჩემი ყოველი!

ქ. ჯ. ანტ. კობლაძე.



ენის წარმოდგომაზე.

(Über den Ursprung der Sprache.)

დრ. გ. ს. ზემანისა.

თარგმნილი გუგუშაულიან. *)



ზროვნების და ენის განვითარებაში დაწინაუ-
რებულ ერში მთელი ხალხი არ ღებუ-
ლობს თანასწორ მონაწილეობას, როგორც
ეს ხდება ხოლმე განუვითარებელ ხალხში. ცხადია,
რომ იქ, სადაც შრომა განაწილებულა, სადაც უმ-
რავლესობა ხელით მუშაობას ე. ი. ფიზიკურათ
შრომობს და მხოლოთ უმცირესობა ეძლევა გონე-
ბითი ეარჯიშობას, დიდი განსხვავება იქნება ამ ორ
საზოგადოების ნაწილთა შორის: უკანასკნელი ნაწი-
ლი საზოგადოებისა ე. ი. უმცირესობა, მომეტებული
სისწრაფით ვითარდება და წინ მიდის. წიგნის ბე-
დის მოგონების მეოხებით განსხვავება ენისა განათ-
ლებულთა და გაუნათლებელთა შორის თან-და-თან
უფრო დიდი და თვალ-საჩინო შეიქმნა, რადგან მწერ-
ლები, მას შემდეგ რაც ისინი გამოვიდნენ ასპარეზ-
ზე წინამავალ ხალხში იმ თავიდანვე ამიღრებენ
ენას. იკვლევენ ნივთიერ საგნებს დაწერილებით,
ან ჩაიყურყუმელავენენ ფანტაზიისა და წარმოდ-
გენათა მორევი; მწერლები, როგორც მკვლევარნი,
გრძობენ სწორე და მარჯვე ლაპარაკის საჭიროებას

*) ის „კვალი“ № 36.

იმდენათვე, რამდენათაც ისინი, როგორც პოეტები, დაეძებენ მდიდარ ფერს ბუნებისას ადამიანის სულის კვეთების სისწორით გამოსახატათ. ამიტომ სხვა-დასხვა შემეცნებათა უფრო მკაფიოთ და ნაზათ გამოხატვისათვის მწერლებს ძალა უნებურათ უზღებოდათ მუშაობა, ასე რომ იმათ შეერთებულმა მოღვაწეობამ კულტურულ ერთა შორის იმ ზომამდე შეავსო განვითარებულ ენების აზრთა და სიტყვათა საუნჯე, რომ ერთ პირს, ვინც უნდა იყოს იგი, არ ძალ უძს სრულიად შეითვისოს და მოერიოს ამ უკანასკნელს. აზრებით და სიტყვებით უფმდიდრეს ადამიანთ ითვლება შექსპირი. მისი ლექსიკონის საუნჯეს აღრიცხავენ 15,000 სიტყვით. დიან, ეს ევებერთელა რიცხვია 300 სიტყვასთან შედარებით, რომლებითაც მთელი თავის სიცოცხლის განმავლობაში კმაყოფილდება ზოგიერთი დღიურ მუშათა ოჯახობა ინგლისში; მაგრამ მაინც ეს რიცხვი (15,000) წარმოადგენს მხოლოდ რაღაც შეეჭვად ნაწილს იმისას, რასაც იძლევა ინგლისური ენა. თუ რა ზედმოქმედება შეუძლია ექონიოს სამშობლო ენის განვითარებაზე კერძო პირს, როცა მასში შეძლების და გვართ განხორციელებულია მთელი ეროვნების სული,—ეს ჩვენ შეგვიძლია დავინახოთ გერმანელთა ისტორიიდან აღებულ რამდენიმე მაგალითიდან. რა გაუთლელი, მაგარი და უშნო იყო ლიუტერამდე გერმანული პროზა, და რა კეთილშობილური სიტყვადე, სიბო და სიმძლავრე მიანიჭა მან ამ უკანასკნელს, ბევრში ებრაეული და ლათინური ნიმუშების მიხედვით! რა ვალესილი მახვილით მოიშორა ლესინგმა სიტყვების ხმარების ის უხერხულება, რომელიც ოცდაათწლოვან ომიანობას შემდეგ გავლურების დროს შემოვიდა ხმარებაში! როგორ გაიუურჩქნა ენა გიორტის ხელით ფაუსტის პირველ ნაწილში ერთათ შეკავშირებით: აზრის სიღრმისა და სინაზისა, გრძნობის სიწმინდე-სინარჩისა,—ასე რომ ეს თხზულება საუკუნოთ დარჩება ადამიანის სიტყვის უფმალეს ქმნილებათ. მაგრამ არა ყველა მწერლები ახალი სიტყვებით, რომლებიც იმათ შეუქნათ და ახალი მნიშვნელობებით, რომლებიც იმათ ძველთათვის მიუციათ, არიან ისე მდიდარნი, როგორც ლიუტერი, ლესინგი და გიორტი. ათას მწერლებს ათასი სიტყვები მოუგონათ და უხმარიათ, მაგრამ ეს სიტყვები თანამედროვეთ კი არ მიუღიათ და არც ლიტერა-

ტურისა და ხალხის ენაში შესულან. მხოლოდ ის, რაც შეჰვერის (შეესაბამება, entspricht) აზრს ნაციისას, ანუ ამ ბოლო დროს—მის განათლებულ, მკითხველ და მწერალ ნაწილს,—მხოლოდ ის შემოდის ენაში. აქ მე მინდა მოვიყვანო ორი ანეკდოტი, რომლებსაც თუმც ახალ სიტყვების შემოღებასთან კავშირი არა აქვთ, მაგრამ ამტკიცებენ იმას, თუ რა უძღურია კერძო ადამიანი ენაში, რაიმე გადასახეფეროს, თუნდაც ეს ადამიანი სხვაფრივ ყოველად შემძლებელიც იყოს. ტიბერიოსს მოუვიდა ერთხელ გრამატიკული შეცდომა, რაიცა გაჰკიცხა გრამატიკოსმა მარცელიუსმა. ამაზე შენიშნა კარისკაცმა კაპიტომ, რომ რასაც იმპერატორი ბრძანებს, არის ანუ უნდა იქმნეს საუკეთესო ლათინურიო.—კაპიტო ტყუილი, მოახსენა იმპერატორს მარცელიუსმა, შენ ძალგის, ცეზარო, მოქალაქობის უფლება მიანიჭე ყოველს ადამიანს, მაგრამ ერთათ-ერთ სიტყვასაც კი ვერაო. მეორე ამბავი შეეხება იმ დროს, როდესაც ლათინური ცოცხალი ენა უკვე აღარ იყო. კოსტინის კრებაზე იმპერატორმა სიგიზმუნდმა ჰუსსიტების ერესის (მწვალებლობის) წინააღმდეგ სიტყვა წარმოთქვა, რომელშიაც, სხვათა შორის, იმან წამოიძახა: „Videte, patres, ut eradicetis schismam Hussitarum“.—„Serenissime rex“, გააწყვეტინა იმას ერთმა მოურიდებელმა ბერმა, „schisma est generis neutrius“.—რატომო?—იკითხა დამშვიდებით იმპერატორმა.—იმიტომ რომ ასე გვესწავლის ვალლუსი.—ეინ იყო ეს?—გრამატიკოსიო, მოისმა პასუხი.—ახლა მე კი იმპერატორი ვარ, ღიმილით მიუგო სიგიზმუნდმა, და ჩემ სიტყვას მეტი ფასი უნდა ჰქონდეს, ვინემ გრამატიკოსისსო. მაგრამ იგი ცდებოდა, ბერი კი მართალი იყო: schisma დარჩება საუკუნოთ საშუალო ნათესავისათ. თითოეული ძველი ფესვი, თითოეული ახალი წარმოება, შეერთება და გარდაღებითი ხმარება შექმნილი და შემოღებულია კერძო პირთაგან, მაგრამ ისინი საყოველთაო (საერთო) ანუ მომეტებული ნაწილი ენაში მხოლოდ მაშინ გადადიან, როცა მოწონებულნი შეიქნებიან მსმენელთა და მკითხველთაგან. განათლებულ ერთა ენები, როგორათაც ჩვენ იმათ ეხედავთ დღეს, არიან შედევნი ათასთა წელთა მუშაობისა, რომელშიაც მონაწილეობას ღებულობდენ ეროვნების საუკეთესო გვამნი; მაგრამ სიცოცხლის ძალის მოსაპოვებლათ თი-

თოეული სიტყვისათვის საქირო იყო, რათა იგი ეხმარა და მიეღო რაც შეიძლება უფრო მეტ გონიერ და განმსჭვრეტ ადამიანთა წრეებს. ეს მუშაობა, რასაკვირველია, ჯერ ახლაც არ შეჩერებულა: ყველა ცოცხალ კულტურულ ენებში საქირო შეიქნება დრო-და დრო დამატებითი ლექსიკონები.

ჩვენ შევადაროთ ახლა რომელიმე ახალი ენა, მაგალ., ჩვენი ეგვიპტურსა, როგორც ეს უკანასკნელი მოჩანს უუძველეს ნაშთებში. ჩვენცა გვაქვს არა მცირე რიცხვი ჰომონიმებისა, მაგრამ აწ ისინი გაუგებარნი აღარ არიან. წინადადებაში ყოველთვის ცხადია, თუ რას ნიშნავს სიტყვა „sie“: მხოლოდობითი რიცხვის მეორე პირის ნაცვალ-სახელია იგი, თუ მრავლობითის მესამე პირისა, მდებრობითი. (ნაცვალ-სახ.), სახელობითი ან მოთხრობითი (Akkusativ) ბრუნვაა, თუ ბრძანებითი ფორმა ზმნისაგან „Sehen“? აგრეთვე ცხადია, სიტყვით „Schloz“ გულისხმობენ კლიტეს, თუ ციხე-დარბაზს, პალატას; სიტყვა „Schein“ ნიშნავს ილილიუზიას, მოჩვენებას, თუ წერილობით დამოწმებას, მოწმობას; „Niederlage“ — დამარცხებას ჯარისას, თუ საქონლის საწყობს, მაღაზიას; „Erlasz“ — ბრძანებას თუ (მოვალეობისაგან) განთავისუფლებას. ჩვენ (გერმანელებს) გვაქვს ერთი სიტყვა (abschlagen), რომელიც ნიშნავს: მოტეხა, უკუქცევა, ფასში დაცემა, უარის თქმა და სხეულის ერთი მოთხრობილების დაკმაყოფილებას, მაგრამ ხმაურებაში არასოდეს არ შემოაქვს მცირეოდენი აზრის არე-დარევა *). ეს მაგალითი არას შემთხვევაში არჩეული არ არის. ამისთანა მაგალითები ასობით შეიძლება მოყვანილ იქმნას. მაგ., auslassen ნიშნავს: მძინვარება, ხმაურობა, დადნობა, გაღონობა, დავიწყება, არ დანახვა, გამოშვება, ლაპარაკი და სხ. (აქაც არ მოგეყავს ჩვენ მაგალითები). ჩვენ, ის კი არა, ორი ისეთი სიტყვებიცა გვაქვს, რომელთაგან თითოეული, როგორც გაცემას, ისე აღებასაც ნიშნავს, სახელდობრ „leihen“ და „borgen“ (თითოეული ამ სიტყვათაგანი ნიშნავს: ვალათ გაცე-

მას, გასესებას და ვალათ აღებას, სესებას), მაგრამ ამთ კაცი არავითარ შეცდომაში არ შეჰყავთ; ის მე მასესებს, თუ მე მას ვასესებ, ვისესებ, თუ ვასესებ,—თუ რა იგულისხმება აქ,—ეს ჩვენთვის კარგათ ვასაგებია. ჩვენი ჰომონიმები ჩვენთვის სრულიად არ არის მძიმე. აგრეთვე არც სინონიმები, ძველ ეგვიპტურში, როგორც ვნახეთ, „ქრისათვის“ იყო 37 სიტყვა, რომელთაგან თითქმის თითოეულ სიტყვას, საუბედუროდ, გარდაჭრის სხვა მნიშვნელობანიც ჰქონდა; ეს სინონიმური სიტყვები მაშინ უბრალო ნივთთა გაგებას მეტათ ახელებდნენ; ჩვენთვის კი ასეთი სიტყვები გარეგან სიმოკლე-სიმარტივესთან გამხდარან ჩვენთა აზრთა, გრძნობათა, მოქმედებათა და მდგომარეობათა სხვადა-სხვა ძნელათ წარმოსადგენი მხარეების გამომხატველათ. ჩვენ გვაქვს სხვათა შორის შემდეგი სიტყვები: თხრობა, თქმა, უბნობა, ლაპარაკი, ჩურჩული, ყვირილი, ახსნა, მოხსენება, მუქრობა, პირფერობა, საუბრობა, მასლაათობა, ქორიკანაობა, ყბედობა, მურმური, ბუზლუნი, ლაქ-ლაქი, მოჭორება, თავის მობეზრება და სხ., მაგრამ აქ შეჩერდებით, რომ მსმენელთა მოთმინების ძაფი არ გაწყდეს. მე მივისწრაფვი დასკვნამდე: ენის დასაწყისი ძვეს ყველა ადამიანთა საერთო ნიჭში, რომ ბევრანი დაუკავშირონ მტკიცეთ შემეცნებათა. ურიცხვი ბევრათა კავშირნი და არა ცხადათ შემეცნებანი დროთა განმავლობაში თან-და თან ისაზღვრებიან, და ამნაირათ ნიჭიერი ნაციები ჰქმნიან საუცხოვო ქმნილებას ადამიანის სულისას,—განვითარებულ ენებს.

პ. გ. ჭაჩაია.



კარცერი და ტიკტორა.

ძველის ძველი ამბავი.

გუძღვნი ჩემს მეგობარს ს. მ. კვ—ის.

I.

წაქართველოს შეილი გახლავარ და სრულე-ბით საკვირველი არ არის, ღვინო რომ არ მძულდეს. ღვინო დედის რძესავით არგია ქართველ კაცს. ტყუილათ კი არ ვუძახით ჩვენო „ნუ-

*) აქ ავტორს ამ ერთი და იმავე სიტყვის სხვადა-სხვა მნიშვნელობათა საჩვენებლათ მოჭყავს გერმანულათ მაგალითები, რომლებიც ჩვენ გამოვტოვეთ, რადგანაც იმათ ჩვენთვის აზრთა დიდი მნიშვნელობა აქვთ. მთარგ.

ნულა“. ღვთის მოცემული ჯერ-ჯერობით ბლომათა გვაქვს და ჩვენც ბავშობიდანვე ვეჩვეით მის ნელ-ნელა „წრუპვას“. შეიძლება, ამის შედეგიც იყოს ის, რომ ჩვენ კვლავ სავშობლოში ერთს ვერ ნახავთ ისეთ გალოთებულ ადამიანს, როგორც ათასობით მოიპოვება სხვა ქვეყნებში... დიახ, მე მიყვარს ჩვენი „ნუნუა“, იმას პატარაობიდანვე შევეჩვიე და დღიურ საზრდას აუცილებელ ნაწილათაც ვაღმეჭკა. მაგრამ თურმე ღვთის დაღვევა მომაკვლინებელი ცრუა ყოფილა. ეს ახალი ამბავი, მე სასწაულებლის პანსიონში, რომ მიმაბარეს იმ დღესვე შევიტყე.

..... არ ვასულა თითქმის ერთი საათი, რაც მაჩვენებდა პანსიონში დამტოვა და თვითონ კი მეორე დღემდის გამომეთხოვა, რომ შეიქნა ერთი ალიაკოთი, ხმაურობა და ფაცა-ფუსი. ატყდა ზარების წკრიალი. მოწაფეები ჩადგნენ რიგ რიგათ და პირის მწლაკური დაიწყეს. საშინლათ მივირდა,—ნეტავი რა ამბავია-მეთქი.

— რიგი რათ არ დაგიცავს,—შემომიყვირა ერთმა დიდ-მუცელა კაცმა, რომელიც, როგორც მერმე შევიტყე, თურმე პანსიონის აღმზრდელი იყო.

— მე, ეს არის, ახლა ვესტუმრეთ და თქვენი ზარების და რიგის არაფერი გამეგება,—ეუპასუხე, როგორც საზოგადოთ ვიყავი დაჩვეულა, თამამთა და თავისუფლათ.

აღმზრდელს ჩემი პასუხი საშინლათ ეოცა. უნდოდა თავიდან ფეხებამდე ჩავეთვალეფრებინე, მაგრამ, რადგანაც ჩემთან ახლო იდგა, მუცელმა აღარ დაანება, შეესრულებინა თავისი სურვილი. მან დაინახა ცოტა უკან, შემომხენდა ერთი სასტიკათ, გამოექანა სიჩქარით ჩემკენ და უზრდელათ გამოსწია ჩემი ყურისკენ თავის ჩასუქებული ხელი. მე რომ უცებ განზე გადახტომა არ მომესწრო და მოწაფეების რიგში არ შევრეულიყავ, ის უნამუსო სწორეთ სირცხვალს მაქმედა ამდენ ხალხში. სახეზე მთლათ ერთიანათ წამოეწითლდი, ცოტა დამაკლდა, კინაღამ თოფის წამალსავით ვიფეთქე, კიდევ მოვბრუნდი მისკენ, მაგრამ, რომ შეეხედე მის ახირებულ სახეს და ევებერთელა მუცელს, რომლის მსგავსი ჯერ არსად მენახა, გაჯაფრების მაგიერათ, სიცილი შემსკდა. ამან ხომ მთლათ გააბრაზა ჩვენი აღმზრდელი.

— მარშ! დაიძახა მან და ყველა ნელ-ნელა დავიძარით ადგილიდან.

— არაფერია, მალე მოგარჯულვებს ჩვენი „კარცერი“ ჩაილაპარაკა მან და, ბატსავით ნელ-ნელა, უკან წამობაჯბაჯდა.

სიშინლათ შენტერესებოდა შემეტყო, ვინ იყო ეს „კარცერი“, რომელსაც მე უნდა მოვერჯულვებინე. ევლარ მოვითმინე და ჩემს გვერდში მდგომ მოწაფეს ვკითხე:—ძამავ, მითხარი, თუ ბიჭი ხარ, ვინაა „კარცერი“?

— ვინ, ვინ? შემეკითხა რამოდენიმე მოწაფეთავანი.

— ვინ და „კარცერი“?

ბავშვებმა სიცილი დაიწყეს.—მოითმინე ცოტა და შენ თითონ შეიტყობ,—მიპასუხა ერთმა მწარე ღიმილით.

— ეს რა ამბავი გაქვთ? შემოგვიყვირი აღმზრდელმა.—თქვენ არ იცით, რომ აქ აკრძალულია თქვენს ენაზე ლაპარაკი? ყველას უსადილოთ დაგტოვებთ!

ბავშვებმა თავის გამართლება დაიწყეს—ჩვენი რა ბრალია, ამან ვკითხა „კარცერი“ ვინ არისო.

— მოიცადოს ცოტა, ეკ იმნაირი თვალებით იტკირება, რომ მალე თვითონაც დაახლოვებით გაიცნობს „კარცერს“... რიგი დაიცევით, ჩუმათ იყავით, სკამები არ აარიხინოთ!—გეიბრძანა მან.

მისი სიტყვები ლახვარივით გულში ჩამესვენა—რა ურჯულოები ყოფილან? ჩვენებურ ენაზე უკრძალავან საუბარს! ტანშიც გამაქრიალა—უი, დედაია, რა მხეცებში ჩაფარდნილვარ, წამომცდა და ფიქრებმა წამიღეს. საშინლათაც დაგლონდი.

უცებ გაიღო ერთი ოთახის კარები და შიგ დიდის ხრიგინით და თავის მტერევეთ მოწაფეები შევიცინდენ.

— ეს რა ამბავია!—დაიხრიალა ვილაცას მკვახე ხმა.

— მგელია, მგელი!—დაიწყეს ფურჩული მოწაფეებმა და თან კანკალით უკან-უკან იხევოდენ.

პირველათ მეც შემეშინდა, მაგრამ ვიფიქრე მგელს აქ ვინ შემოაუშვებდა-მეთქი და ცოტა გული გავიმაგრე, თუმცა, უნდა გაგიტყდეთ, მანაც ცოტაოდენი შიშით შევედი ოთახში.

მგელი არსად იყო. მხოლოთ უშა ადგილს ერ-

თი ანტირეტული ადამიანი იღვა. მიზინოსავეთ წელში აწურულიყო. კისერიც წაეგრძელებინა, თითქოს ეს არის ემზედება, მსხვერპლს ეცეს და კლანჭებში ჩაიგდოსო, მაგრამ თვალების ბრიალში და მისა გესლიანი შემოხედვის ძალაში, მიზინო მას საღ შეედრებოდა. ის ნამდვილი ტყიდან გამოვარდნილი მგელი იყო. ტანისამოსიც მგლის ფერი ეცვა და თმაც მასავეთ აბურქვანდა. მოსწავლეები მის წინ უფრო საბრალო რამეებს წარმოადგენდნენ, ვიდრე ადამიანის შვილებს... ოთახში ისეთი სიჩუმე მეფობდა, რომ ეგონებ ბუზის ფრენასაც კი გაიგონებდით. მოწაუფეები, გაივლიდნენ თუ არა მის წინ, ბატონისებურ თაყვანსა სცემდნენ. ის კი იყო გაქვავებულსავეთ იმე ადგილზე და ხმასაც არ იღებდა. მხოლოდ ცხვირიდან უცნაურათ ქშინავდა და ხან-და-ხან თვალებსაც აბრიალებდა. მეც მომიხდა მის წინ გავლა. მიწოდდა მეც დამეკრა თავი, მაგრამ მისმა შემოხედვამ ისე გამომაყრყეხა, რომ თავის დაქნევაც ვეღარ მოვახერხე. მან ახედა თავიდან ფეხებამდის, მეც ჩაეჩერდი მისი სახის დამომონავებელ გამომეტყველებას.

— ეს საიდან გაჩნდა? ჩაიღუდლუნა მან და თითი ჩემკენ გამოაშვირა.

აღმზღელი მაშინვე მივარდა და სიჩქარით მოახსენა: — თქვენო მალალ-შობილებავ! ეს მოსწავლე არის, თავათ ის მოსწავლე, რომლის მიღებაზე თქვენმა მალალ-შობილებამ დღეს კეთილი ინება ხელი მოეწერა“.

ამას შემდეგ მგელმა კისერი ჩემკენ მოაბრუნა. — შენ სადაურ ტყეში ხარ გაზდილი? მკითხა მან დაბალი ხმით.

ამ კითხვამ ძალიან გამაკვირვა — ალბათ სხვაგან ტყეში ზრდიან ბავშვებს, გამიელვა უცებ თავში და ეუბასუხე:

— თქვენ ალბათ დიდი ხანი არ არის, რაც აქეთ ჩამობრძანდით. ჩვენ ქვეყანაში ტყეში არ ზრდიან ბავშვებს. ტყეში ხომ მგლებია ბევრი. ლეკვებსაც იქ ზრდიან. ბავშვებს ხომ შეკვამენ...

ამ სიტყვებზე მოსწავლეებმა ერთი-მეორეს სხვანაირათ გადახედეს. ის კი გამიჯავრდა.

— ხმა გაკმინდე! შე უზრდელიო, ვის უბედავ მაგისთანა ლაპარაკს, — მიჭყვირა მან. არ იცი, რომ მე ზედამხედველი ვარ და მაგისათვის შემიძლია აქედან ახლავე გაგადგო? ტყეში თუ არ გზრდიდნენ, არ

გეცოდინებოდა, რომ ქვეყანაზე არსებობს თავისდაკერა?..

— ეგ მეც კი ვიცი!

— მერე სად არის თუ იცი! მე ხე ვიყავი, რომ გამიარე წინ და თავი არ დამიკარი?

— უკაცრავათ განლავარ, მომიტყევთ, რომ არ გიცნობდით, ვინც ბრძანდებოდით.

— ეს არაფერი თავის გამართლებათ! ხომ დამინახე, რომ უფროსი ვიყავი, მაინც უნდა დაგეკრა თავი! რას ჰქვია, არ მიცნობდი!..

— ჩვენში უცნობსაც ეუბნებიან „გამარჯობას“, მაგრამ თუ უცნობი ვინმე უფროსი შეხედება, წესი მოითხოვს, სალამი ჯერ უფროსმა უნდა ბრძანოს და მერე უმცროსიც პატივისცემით უპასუხებს...

— აი, მაგას ჰქვია მხეცობა! რა უზრდელი ყოფილხართ! ჯერ კიდევ ბევრი დრო გაივლის, ვიდრე თქვენ მოგარჯულდებდეთ... დადექი სწორეთ, ხელები ძირს ჩაუშვი, თავი ზევით ასწიე! არ გესმის! დამიყვირა მან და განაგრძო ნაღვლიანათ: არას დროს არ უნდა მივიღოთ ამხელა ბავში პასიონში. ეს ახლა თავიდან ფეხებამდის გაფუჭებულია მხეცური აღზრდით. მთლათ გარყენის აქაურობას. მაგის მორჯულება ტუინს გამოგვილავებს თავში... შენ სად სწავლობდი ამდენ ხანს? მკითხა მან წყნარათ.

— სოფელში. დედამამის ოჯახში. შკოლისთვის მამა მამზადებდა.

ამ სიტყვებზე მან გადააქნია ერთი სხვანაირათ თავი და აღმზღელს უბძანა: ამას კარგათ უვლეთ ყური. თუ რამე დააშავოს, მაშინვე „კარცერში“ დაატუსაღეთო. ამას შემდეგ მოსწავლეებს მიმართა: — ლოცვა წაიკითხეთ, რიგი ვისია?..

ამ ოთახში უშველებელი სუფრა იყო გაშლილი. სუფრას მიწაფეები იქით-აქედან მოდგამოდნენ. დაჰყურებდნენ სპილენძის საინებზე დასმულ საჭმელს და გაწრთნილ ძაღლებსავეთ, ქამის ბრძანებას უცდიდნენ. — ჩქარა, ლოცვა, ვისი რიგია, დაიწყეს იმათ ფურჩული.

გამოდგა, რომ ის მოსწავლე, რომელსაც ლოცვა უნდა წაეკითხა, ავთამყოფობის გამო ვეღარ მოსულიყო სასადილოთ. ზედამხედველმა ლოცვის წაკითხვა ახლა მეორე მოსწავლეს უბრძანა. იმანაც დაიწყო. გაჩნდა გაცხარებული პირჯერის წერა და

ტუჩებსაც ცმატური, ვითომც ყველა ლოცვის სიტყვებს იმეორებდა. ზედამხედველმა ამ დროს ერთი სხენაირათ ცხერი დააცემინა — ქარ-ცუცხლი! ღეთას რისხვა! ჩაიფურჩულეს მოწაფეებმა. ლოცვის მკითხველიც შეჩერდა. — განაგრძე! დაუძახა ზედამხედველმა.

მოწაფე მაინც გაჩუმებული იყო, ვერ მოეგონებინა ის ადგილი, რომელზედაც გაჩერდა; და უწყვეს მაშინვე აქეთ-იქიდან ცურჩული. ლოცვას სიტყვებს აგონებდენ. მან დაიწყო თავიდან, მაგრამ უცებ შეჩერდა. მოინდომა, გაეკრძალებინა იმ ადგილიდან, სადაც გაჩერდა, მაგრამ საუბედუროთ ორი სიტყვა შუაში სულ გადავიწყდა. შეიქნა კიდევ ფურჩული. ამან ის მთლათ დააბნია და ბოლოს გაჩერდა თავ-ჩალუნული.

— დატოვეთ დღეს უსადილოთ! სანამ ყველა სადილს არ გაათავებს აქვე კუთხეში იდგეს. თუ ლოცვა კარგა არ დასწავლოს საღამოს თემრონიასაც ნუ დააღეინებთ. წარმოთქვა ზედამხედველმა მკვანეთ და უგუნებოთ მეორეს უბძანა ლოცვა წაეკითხა. ბოლოს როგორც იყო, მოუსხედით სიფრას და ჭამა დაეიწყეთ. საინზე რაღაც ახირებული წომპო იყო დასმული. მაინც არ ვიყავი ჭამის გუნებაზე და ამან კი გული სულ ამირაა. ვიფიქრე, ამას თუ ცატაოდენი ღვინო არ დავატანე, საქმე სწორეთ ცუდათ არის-მეთქი. გავიხედ გამოეჩხედ იქით-აქეთ. ჭიქები კი ღვინანზე, მაგრამ ღვინო არსად იყო. — ალბათ მოტანა დაეიწყებოდათ მეთქი, გავიფიქრე, კითხვით კი არავისთვის არ მიკითხავს, რადგანაც „მგელს“ მეშინოდა. ის ისევე უწინდელ ადგილზე იყო და ისევე მკლურათ იხედებოდა.

პირი მთლათ გამიშრა. ერთი ჭიქა ღვინო ყველაფერს მერჩია. მომეხასიათა საშინლათ. საქმელზე ხელი ავიღე. გავიხედე იქით-აქეთ. კედელზე სურათები იყო ჩამოკიდებულია. ერთ კუთხეში დიდა ხატი იყო დასვენებული. იმის ქვევით კი ფეხზე იღვა უსადილოთ დატოვებული. პარზე ხელი მიეფარებია და მწარე ცრემლით ტირიდა. ზედამხედველი კიდევ კარგა ხანს იღვა იქვე და მოსწავლეებს ათვალერებდა. მერე ჩვენდა სასიხარულოთ, როგორც იყო, მოგვეშორდა.

ყველამ თავისუფლათ ამოისუნთქა. თან მოძრაობა და ლაპარაკიც გაჩნდა.

— თედორე, თედორე! — დაუწყვეს ძახილი ერთ ჩვენებურ ბიჭს, რომელსაც საქმელი შემოჰქონდა.

— რა გნებათ, რაი! უბასუხა თავაზიანათ თედორემ.

— თედორე, ჩემთვის კოვზის მოტანა დაგვიწყება.

— მე დანა არ მაქვს, მე ჩანგალი, ჩემთვის „ბორშჩში“ ხორცი აღარ ჩაგიღვია, ეძახოდენ ერთი-მეორეზე მოწაფეები.

თედორემ ყველას აუსრულა თხოვნა. ზოგს დანა მოუტანა, ზოგს კოვზი, ზოგს ჩანგალი და ზოგს კი ხორციც, თუმც ამ უკანასკნელებს გავხურმა:

— იქნება ხორციც ქე მოგიტანეთ, მარა პირმა მოგპარათო...

— აა! თედორე, რას ამბობ მაგას, არ მოგიტანია, თორემ როგორ შეგაწუხებდითო, — უბასუხებდენ საცილით მოსწავლეები.

მე მეგონა რაკი ესენი მოითხოვეს, ღვინოსაც გაახსენებენ, მაგრამ ამის შესახებ ხმასაც არავინ იღებდა. მე კი სულ ერთიანათ ნერწყვი გიმიშრა და ერთი წვეთი ღვინო მთელს ამ სადილს მერჩია. სუფრაზე საზოგადო სიცილი, და ხუმრობა ჩამოვარდა, თან ხალისიანობაც ვამეფდა.

სხვებთან ერთათ მეც გავხალისდი, მეც სხენაირ გუნებაზე შევიქენი, სულ გადამაეიწყდა ჩემი ახლანდელი მდგომარეობა. მეც დაეუძახე თედორეს, ისე ვითომც დიდი ხნის ნაცნობები ეყოფილიყავით.

— თედორე, ერთი მეც გადმოამხედე!

— რა გნებაეს, ახალ ჩამოსულო, არ მოგეწონა აქაური საქმელი!

— საქმელი კი არა კაცო და ჭურადან ღვინის ამოღება დაგვიწყება! როგორ გეკადრება მაგი!..

ჩემმა სიტყვებმა ისეთი საზოგადო ხარხარი გამოიწვიეს, რომ კინალამ გადავირიე, ნეტავი რა ვთქვი ასეთი სასაცილო-მეთქი.

— ღვინო აქ აკრძალულიაო, — მიბასუხა ნაღვლიანათ თედორემ.

აღმზღელი, რომელიც ჩვენთან სადილობდა წამოვარდა თავის ადგილიდან და გამოძიება დაიწყო, რა მოხდაო!

— ამან ღვინო მოითხოვიაო, — უთხრეს მას. ამის

შეტყუბისათნავე ის საშინლათ ვაბრაზდა და მაშინ-
ვე ზედამხედველჲან კაცი გააგზავნა.

ჯერ-ჯერობით რაც მოხდა ჩემთვის ყველაფე-
რი საკერეელი იყო, მაგრამ თურმე კიდევ უარესი
საკერეელება მომვლოდა.

„მგელი“ მალე მოვიდა და როგორც კი შეიტ-
ყო, რა დანაშაულობაც ჩავიდინე, მოვარდა პირ-და-
პირ ჩემთან, დამიწყო ყვირილი და პირიდან ისეთი
ღორბლა გადმოჰყარა, რომ სულ დამასველა თავზე
ბალანი.

— შენ აქ სასწაელებლათ გამოგზავნეს, თუ
ყმაწვილების გასარჩენელათ და ცუდი მაგალითის
საჩვენებლათ? აქ შენი ველური სოფელი ხომ არ
გგონია. ლოთობა მოინდომე!.. არ კმარა, რომ ყვე-
ლა აქაურები ლოთები ხართ? სწავლა და ლოთობა
რომ არ შეიძლება ერთათ იცი? შე უსირცხვილო,
შენა!.. აქ სრულებით საჭირო არ არის მოვიყვანო და
ალარც კი მაგონდება რამდენი სხვა ასეთი სიტყვები
ბრძანა ბატონმა ზედამხედველმა, მხოლოდ ის კი
კარგათ მასსოცს, რომ მან თავისი სიტყვა ამ ბრძა-
ნებით გაათავა:— ეს ამ წამშევე, ეზოს ჰაერც არ
გადააყლაპინოთ ისე, „კარცერში“ დაატუსაღეთ, იქ-
ნება ცოტა მანც მოკვებიანდესო..

პეტენ გოთუა.

ქ. ოდესა.

(შემდეგი იქნება)

საქველმოქმედი საქმე.



ნო რედაქტორო! თანახმა ნოეოროსიაში არ-
სებულ განიზნულ ქართველთა ხელის გამ-
მართველ საზოგადოებას თუმცა ანგარიში
ამ თვის პირველ რიცხვებში უნდა წარმოედგინა, მაგ-
რამ ჩვენ მიერ დამოუკიდებელ მაზეზთა გამო დღემ
დე დაკვიფიანდა. ჯერ-ჯერობით ფული შეგროვი-
ლია 70 მან. და 50 კაპ. აი, შემომწირველთა სია:

გ. ე. წერეთელი 10 მან., ს. ს. კალანდაძემ
10 მან., დ. ბ. ჩხიკაძემ 10 მან., ი. პ. ბახტაძემ
10 მან., ა. ე. ელიაძემ 5 მან., სტეფანე სემონას ძე
ელიაძემ 5 მან., გრ. ანტ. სიმონიშვილმა 2 მ. 50 კ.,

ნოეოროსიის ქართველთა მუშებმა 8 მან., გ. ი. სა-
ნიკაძემ 1 მან. ამავე ალგეითქვა მუდამ თვე თითო
მანეთი. პ. დგებუაძემ 1 მან., ლ. ლ. ლომთათიძემ
3 მან., ნ. ე. ჩიკოტიძემ 2 მან., ლ. ზ. ქორიძემ
1 მან. სულ 70 მან. 50 კაპ.

ეს ფული შეტანილია შესანახათ სახელმწიფო
ბანკში დავით ბეჟანის ძის ჩხიკაძის სახელზე. ჩვენ
მიემართეთ წერალოთ ბ. ნ. ნ. ი. ნიკოლაძეს და ეთხო-
ვეთ, თუ რა აზრის იქნებოდა ის ჩვენ მიერ განზრახულ
განიზნულთა ხელის გასამართავ საზოგადოების და-
არსების შესახებ, მაგრამ ჯერ-ჯერობით არავითა-
რი წერილი არ მიგვიღია. რაც შეეხება ადგილობ-
რიკ სოჭის და თოხაფსოის (ტუაპსუს) ადგილ-მდებარეობას,
ეს კი შევნიშნათ გადმოვეცა ბ. ოსებ პ. ბახტაძემ,
რომელსაც რამდენიმე წელი უცხოვრია ამ ადგილებში.
„ჩვენ მამულებს არაფრით ჩამოუყარდებოა.
მოდის სიმინდი, ლამი, თუთუნი და ყველა ის,
რაც საზოგადოთ ჩვენ საქართველოშია, გარდა ვე-
ნახისა, ხოლო ვენახი კი ცოტა მეტს ხარჯს თხოუ-
ლობს უმეტესათ თოხაფსოში. იქ რამდენიმე ქართ-
ველებიც ცხოვრებენ; უკეთ მოწყობილი არიან, ვი-
ნემ ჩვენში და ბედნიერათაც თელიან თავიანთ თავ-
სო; გარდა ამისა მე მყავს ერთი ნაცნობი კაცი სა-
ხელმწიფო საგანგებო მოხელე ბ. კრავესკი, რომელ-
საც ძლიერ დაახლოვებით ვიცნობო და კარგი გან-
წყობილება გვაქვსო და სხე...

აწ მოვიქცევით ქ-ნო რედაქტორო თქვენ წი-
ნაზე და გთხოვთ ამ საქმეში თქენი პატრეცემული
გაზეთის საშუალებით დანხარება გავვიწიოთ, გთხოვთ
მკაფიოთ გამოგვიცვიოთ პრაგრაჲა ჩენი მოქმედ-
ბისა. რასაც კარგს გვირჩევთ, ჩვენ დიდი სიამოვნე-
ბით მივიღებთ და ვეცდებით ავასრულოთ საკეთილ-
დღეოთ ჩენი უმიწა-წყლოთ განიზნული ქართვე-
ლებისა.

განიზნულთა ქართველთა სელის გამმართველი სა-
ზოგადოების წევრნი:

დავ. ჩხიკაძე, სილ. კალანდაძე, ლეონტი ლომთათიე.
ა დ რ ე ს ი:

Новоросийскъ, Контора Русскаго Обществ. II. и Т.
Спловану КАЛАНДАЗЕ.

რედაქტორ-გამომცემელი ან. თ.-წერეთლისა.

განცხადება

საკომერციო პურსები

ქალებისა და ვაჭებისათვის

(წელი მეთუთსმეტე)

მასწავლებელ ქალთა საზოგადოების სკო-
ლაში.

(რომელსაც განაგებს ანსტასია წერეთელისა)

მიიღებენ ყმაწვილებს 26 აგვისტოდან ყოველ
დღე (გარდა უქმე დღეებისა) 10 საათიდან 1 სა-
თამდის და საღამოობით 6—7 საათამდე. (სკოლა
იმყოფება ველიაძინოვის ქუჩაზე, № 3, ქალაქის სახ-
ლის გვერდით).

სკოლაში მ განყოფილება იქნება. პირველ მო-
სამზადებელ განყოფილებაში მიიღებენ ისეთ ყმაწვი-
ლებს, რომლებმაც არ იციან რუსული და რომელ-
თაც დედა-ენაზე ასწავლიან.

უფროს განყოფილებებში ყმაწვილებს ამზადე
ბენ ყველა სასწავლებლებში; როგორც ვაჭებს, ისე
ქალებს, მიიღებენ არა ნაკლებ 6 წლისას.

სკოლაში შეიძლება ყმაწვილების დაბინავება.
სწავლა დაიწყება 5 ენკენისთვეს.



სასწავლებელი გიორგი ყუჩანოვისა.

(მუხრანის ქუჩა, ქვრივი ყორღანოვის სახლი, № 12,
ქალაქის სამკურნალოს პირდაპირ.)

ყმაწვილებს მიიღებენ 27 აგვისტოდან,
სწავლა კი დაიწყება 4 ენკენისთვეს.

(2—2)

ივანე როსტომაშვილი

დაბრუნდა თბილისს და კვლად შეუდგა წიგ-
ნების გამოცემას: ვისაც ხედრი ფული სრულად არ
შემოუტანია, წიგნები აღარ გავგზავნება, ამიტომ
ეთხოვთ ფული თავის დროზე წარმოადგინონ. ჩეე-
ნი ადრესი: Тифлисъ, вторая Нагорная, № 11.



კურსების დანიშნულება ის არის, რომ სპეცია-
ლური საკომერციო განათლება შესძინოს მსურ-
ველთ, როგორც ქალებს, ისე ვაჭებს და მოამზადოს
ვარჯიშობის შემწეობით ანგარიშის დახელოვნებით
მცოდნენი.

სწავლის გათავებას შემდეგ ატესტატები ეძლე-
ვათ. 1896—97 სამოსწავლო წელს შემდეგი საგნე-
ბი იქნება სასწავლებელი: 1) საკომერციო ეკონომიკა,
2) საკომერციო ანთიმეტეკა, 3) პუსგალტეკრია მარტი-
ვი, ორკეციც და საბანკო, 4) ანთიმეტეკა სანგაწიშო
იოტუბო, 5) საკომერციო მიწე-მოწევა, 6) სავაჭრო
და სათამაშეო წესდებანი, 7) მსწრაფლ-წერა და წერ-
გაკრული და შნოანის (исправление дурного почерка).

სწავლა დაიწყება 16 სექტემბრიდან. ახლათ შე-
მოსვლელთა მიღება დაიწყება 2 სექტემბრიდან. ყო-
ველ დღე დილის 10 საათიდან თერთმეტამდე და
საღამოს 4 საათიდან 8 საათამდე, კურსების სადგომ-
ში, სასლი აღქასნდრე ფეიდონოვისა № 9, სერგეივი-
სა და ნაგონის ქუჩაზე, ავთაქის პირდაპირ.

პროგრამები და წესები კურსებისა უსსუიფლოთ
შეიძლება მიიღოს მსურველმა კურსების სადგომში
და ძმათა წოვიანოების საბანკორო კანტორაში, სიო-
ნის ქუჩაზე.

ვინც ქალაქს გარეშე ცხოვრებს, შეუძლია
წერილთ მიმართოს კურსების დამაარსებელს პ. მა-
ნუელიანსს, ტფილიში.


(12—7)



კბილის ექიმი

ვ. ი. ჭიჭინაძე

ნიეოლოლოზის ქუჩა, № 21, სახლი, ე.
საგინოვისა, სადაც „ივერიის“ რედაქციაა.



განცხადება

თიფლისის სათავადაზნაურო სკოლისა.

1) მდგომარე წლის ენკენისთვისათვის თიფლისის სათავადაზნაურო სასწავლებელში არის სულ ორმოცდახუთი ვაკანსია (45): პირველ განყოფილებაში—40 (7 და 8 წლის ყმაწვილებისათვის) და მეორე განყოფილებაში—5 (8 და 9 წლ. ყმაწვე.); დანარჩენ განყოფილებებში და პროგრამნაზულ კლასებში არც ერთი თავისუფალი ადგილი არ არის.

2) 45 ვაკანსიიდან 42 არას დანიშნული გარედან მოსიარულებისათვის და სამი არის საზოგადოების ნახევარ ხარჯზე.

3) ეინც საზოგადოების ნახევარ ხარჯზე იქნება მიღებული უნდა შემოიტანოს წელიწადში ათი თუმან-ნახევარი შემოსვლისთანავე და ნახევარი იანვარში.

გარედან მოსიარულეს გარდახდება წელიწადში სწავლის ფასი თორმეტი მანეთი: ექვსი ენკენისთვის და ექვსი იანვარში.

4) ეისაც სურს მიღებულ იქმნას საზოგადოების ნახევარ ხარჯზე, იმან უნდა წარმოადგინოს თხოვნათან ერთად შემდეგი დოკუმენტები: ა) წლოვანების (ნათლობის) მოწმობა, ბ) სიღარიბის მოწმობა მასწავლებლისათვის და საზოგადოების წინამძღოლისაგან, გ) მოწმობა თიფლისის სათავადაზნაურ ბანკიდან, რომ იგი ირიცხება ხსენებული ბანკის დამფუძნებელთა შორის, დ) ყველის აცრის მოწმობა.

5) ეისაც გარედან მოსიარულეთ სურს შემოსვლა, მისთვის საჭიროა იკივე დოკუმენტები, გარდა დამფუძნებლობისა.

6) უკეთეს მთხოვნელთა რიცხვი აღემატება ვაკანსიების რიცხვს, იმ შემთხვევაში მსურველი მიშეგებულ იქმნებიან წილის ყრით. წილის ყრაში მონაწილეობას მიიღებენ მხოლოდ ისინი რომელნიც, წარმოადგენენ ყველა საჭირო დოკუმენტებს და ამასთანავე ეგზამენსაც დაიჭერენ წლოვანების შესაფერ კლასისათვის.

7) ეინაიდან პანსიონში შემოსვლელთათვის მცირე ვაკანსიების რიცხვი და მსურველი კი ბევრია, სკოლის გამგე კომიტეტი იძულებული იქნება დაითხოვოს ის პანსიონერები, რომლებსაც წინა წლის ფულია დაჩქინილი, იმისთვის რომ ადგილი დაუტოვოს ახლათ შემოსვლელებს. ამიტომ სკოლის მთავრობა თხოვს მშობლებს, რომელთაც სრულიად ან ნაწილობრივ შეემატება სწავლა-აღზრდის ფასი, რომ უთუთ შემოიტანონ პირველის ენკენისთვისათვის, რაც აწის მათზე დაჩქინილი, თორემ მათი შვილები უსათუთ იქნებიან დაითხოვნილი პანსიონიდან.

8) შესაძლებელია სექტენბერში, მოწაფეების ხელ მეორე გამოცდას შემდეგ, კიდევ გაიხსნას რამდენიმე ვაკანსია იმათთვის, ეინც სრულ საკუთარ ხარჯზე ისურვებს პანსიონში შემოსვლას ან ნახევარ ხარჯზე. ეინც საკუთარ ხარჯზე შემოვა პანსიონში, იმან უნდა შემოიტანოს წელიწადში ოცი თუმანი—ათი შემოსვლისთანავე და ათი იანვარში.

9) თხოვნა უნდა შემოვიდეს სექტენბრის პირველ რიცხვამდის. ქალაქ გარეშე მცხოვრებთ თხოვნა უნდა გამოგზავნონ შემდეგი ადრესით: Въ Тифлиси. Завѣдывающему Тифлисской Дворянской Школой, на Лабораторной ул. въ д. Гургинбегова.

10) სექტენბრის, 2, 3 და 4 რიცხვებში მოხდება მისაღები ეგზამენები და ხელ მეორე გამოცდა ზოგიერთ მოწაფეებისა. ხუთ სექტენბრის დაიწყება სწავლა.

დათხოვნილ იქმნებიან აგრეთვე ის პანსიონერებიც, რომელნიც სკოლაში მისვლისთანავე არ წარმოადგენენ მომავალ 18⁹⁶/₉₇ სასწავლო წლის ფულის ნახევარს.

(3—3)